

列  
朝  
詩  
集

# 列朝詩集

乙集第三

王簡討傅 六十六首

王典籍恭 五十八首

高典籍棟 二十五首

王紀善宸 二首

陳處士亮 二首

王檢討傅

傅字孟揚其先東阿人宋寶慶中沒于西夏元賜姓唐兀氏父翰用薦至潮州路總管元末道梗浮海至閩留永福山中爲黃冠十年國初有詔徵用恥事二姓自引決死孟揚生六齡其母手疏先人之蹟與古學豪傑大略教之弱冠領鄉薦乞歸養母母沒廬墓六年太宗卽位遜臣爭言孟揚聘至京待以殊禮待詔閣下衣冠甚偉衆皆屬目自陳願退處學校卽日有詔授國史院檢討充大典副總裁英國公張輔征交趾奉命叅軍事還守故官在交趾與解縉交好坐縉黨下獄死縉序其虛舟集云永樂初內外儒臣及四方布士以纂修集闕下數千人求其博洽幽明洞徹今古學博而思深如孟揚者不一二見然孟揚之爲人眼空四海目如曙光

辭若懸河視餘子瑣瑣不啻卧之地下以是名雖日彰謗亦隨之余每擬薦自代不果孟揚才力器蘊與大紳略相類兩人者最相得交相推許亦竟同禍孟揚在獄中爲自述誅而極之以呼天之辭至今讀之者猶爲隕涕悲夫

感寓二十首

吾聞上古初渾灝本一氣羲皇肇人文龍馬颯已至軒鴻垂衣紳唐虞臻至治標巢邈以遠黼黻日云貴云胡蒼姬還玄酒薄真味鳳衰其如何寥落匪一世

雙精激飛輪循虛節驚至逝川無迴波千秋倏如駛浮生日及榮孰與喬松喬君看却山墳纍纍正相似鵲鳴群芳歇大暮同歸矣誰知清濁間中有恒不死

團魄載陽燄終古無虧盈因人示肫肫側見死與生蟾蜍薄陰采顧免潛其形何當凌倒景一覩天地精

驅車首陽下望古懷清芬斯人久已化令名今尚存讓國就倫命殺身以成仁如何有千駟寂寞身無聞

太白夜食昴流輝燭天街精感動穹漠君心寧見懷白璧忌暗投徒使接  
劍猶所以狂接輿鳳歌歸去來

龍虎啓晉伯熊羆兆齊封豺聲餒敖鬼牛旣成庚宗廢興自古來吾將訊  
其蒙蒼旻本何心至理元冲冲

羸皇懋威武漢帝非仙才玄關祕靈府何處求蓬萊終遺鑄池壁空獻瑞  
池杯但見三泉下寶衣變寒灰

大庭昔酣醉遺此鈞天章遂令鵠首墟虎視吞八荒羸基苦莫敦所恃逾  
克狂詭命終見奪百二空蒼涼

金行昔弛馭胡馬窺神州腥羶厭神鬼犬彘輕王侯蹴踏五都裂機濁三  
精收上天寶甌淫所佑在祥休豈伊否泰運一氣恒相遭經過覽故墟落  
日黃雲浮冥穹不可訊涇渭方安流

商君挾三術西遊詭蔡君上陳帝王略邈矣寧見珍陽春信寡和下俚廼  
得親孔轍七十週信哉無停輪我有縈紆思區區向誰陳

番番南昌尉不知名位卑上書抱區區忠恨何由知靈鳥鳴朝陽翼爲世  
所希終然吳門市散髮招鳴夷

蚩尤卓長空漢兵出陰朔材官三十萬旌甲蔽墟落長驅破輶輶萬里靖  
寥廓朔南無王庭功成衛與霍誰知青塞月白骨照沙漠

玉麗不盈把德輝照四隣段生日偃臥廼能蕃衛君澆風薄士節自碎明  
月珍求蟬貴明火悅仰懷古人

直木忌先伐甘井忌先竭何爲抱區區昭如揭日月至人善閉關埋照慎  
不發入獸不亂群虛舟任超越襄壘迷帝軒汾陽枉堯轍棲心玄靈臺可  
與人世絕

幽居玩羣生小大俱物役嗟嗟羽族微擾擾亦何極鵜鵜共聯羽精衛勞  
木石何如三青禽龍尾戴勝側

天天閨中窈灼灼映綺窓窗中有織婦顏色如青陽三年弄機杼七襄成  
報章成章欲何爲願以克君裳但恐不見察徘徊空感傷

繁條蘊徂謝清宮媒炎寒涇陽擅秦寵豈得長交歡一朝成遠間欽怨東  
出關昔日天堯華今同秋草殘所以龍陽魚痛哉涕沱瀾

我有太阿劍龍文粲奇章精光動星斗揮霍迴陰陽淬以金鵜鵜衣之古  
盤囊夜深雷雨驚恐逐風雲翔剛明易點缺貴能歛其銖用之如發矚保

之在深藏去去勿復道相期霄漢長

公軒處鸚鵡白屋說千秋  
萊苑盈高閣申椒揜荒陬  
願東方生虛爲歲星遊  
方將猿鶴化豈爲沙蟲謀  
歸從紫泥海再弄清淺流  
照影暮睡牀種夢莫傷恨  
傷根蔡不生唾井墮明神  
樂生北去趙由余西霸秦  
壯士感知己鄙人惠私恩  
止止且勿哀千古黃金臺

車遥遥

車輪何遥遥西上長安道  
不見車上人空悲道傍草  
君行日已遠恩愛難自保  
憂來當何如一夕夢顛倒  
豈無中山酒一洗我懷抱  
但恐三春華顏色不再好  
車聲何鄰鄰風吹馬蹄塵  
願隨馬蹄塵飛逐君車輪

詠史四首

達人志莫測變化猶鵬鵬  
鵬倏忽翔九萬虞羅空見存  
莊生揮楚璧仲連却秦璽  
峻武薄層漢高情寄浮雲  
昔過聊城側復經濮水濱  
餘風尚不泯肅肅來清芬

狐白僅一腋勝彼千羊皮  
壯士出片言萬諾空奚爲  
毛生奉平原自脫囊中錐  
提携十九人咤彼猶嬰兒  
一語定從盟不待日昇時  
英風被廣座磊

落誠可奇知人豈不難長欽聲同悲

戎役赴關隴馳車經洛陽羣公薈雲集節鉞何輝煌炎精啓初輝云定神  
鼎方顧瞻渾澗潁山川蔚蒼蒼脫輓棄道左躡履整弊裳叩軍陳便宜爛  
目如曙光折此利害端吐論何軒昂咸泰古天府百二誠帝疆丈夫鏡時  
機識此理亂軍一語棄貧賤笑談綰銀黃此儒竟何爲空守蓬蓼場

賈生洛陽人年少有遠識當其痛哭時漢祚如磐石其言寔非狂四座爲  
動色抱火厝積薪寢食方自得長沙早暑地自古舞鯢窄吞舟詎能容驥  
足誠窮迫弔湘見微志感鵬成太息浚恒古云客夫子亦何極駕駘服上  
襄駮駟棄道側卓哉治安書遺耀在簡冊

尋小雄仙崑二龍潭值風雨端草堂作

昔人洗玉髓幽洞驅龍畊丹成輟瑤朶成此秋水泓飛崖夾兩鏡洞見雲  
霞生百鬼不敢啼雌雄常夜鳴有時湍瀨寒幾曲琉璃英清秋墮蟾影白  
日聞雷聲偶茲訪靈竒掃石窺清泠洗心盟鷗鷺濯髮解冠纓長風動懸  
羅颯爽毛骨驚飛雨洒而至萬壑秋冥冥歸途櫻桂影了了心目醒到家  
興未已石室披丹經

一水亭夜懷黃八聚林六敏

孤亭水雲深人境自幽絕七絃罷鳴彈桐陰初上月偶酌尊中醪高臥望  
雲闕荷露清角巾松聽濯毛髮寥寥天籟爽吟詠了未輟志偕南阜隱興  
藉東山發同心念離居中夜思超忽

入西山訪張隱士

兩崖噴飛瀑結屋烟蘿裏山人不冠屨客至同隱几獨鶴海上歸孤雲間  
中起淨掃白石床風來墮松子

送黃紀事濟

寶劍雙轆轤銕吐青芙蓉臨岐一脫贈恍若騰蛟龍君行感我懷起視雲  
海空百年閱幻境萬里吹飛蓬登天覽餘暉孰挽濛汜東詩書古有立貧  
賤道何窮常希日月移獨負雨露功長卿卧茂陵不爲世所容季子黑貂  
弊當年怨秋風丹塗困布衣渭水悲釣翁山松落澗草海鶴蓋樊籠大運  
自古來俛仰那能終感茲不成歡別去何匆匆城南登高丘眺遠情所鍾  
一水瀉寒練斷雲引歸鴻中座擊筑心醉吟氣頗難興落遠天碧思染秋  
山紅緊離自茲始夢繞青林楓



秋夜齋居懷唐荅

高梧月未出，暝色疎烟裏。雖聞雁來聲，在秋塘水孤燈捲簾坐，寒影對窓兒。青空吹微霜，瑟瑟動輕葦。援琴不成音，感別在千里。誰值晨風翰，淮波盼遊鯉。

寶山蘭若

山門隱松桂，花雨浮半空。金仙青蓮居，乃在烟霞中。石竹覆紫苔，四壁泉濛濛。因窺一燈影，宴坐萬劫同。衆籟清梵音，浮塵愧微踪。願言別苦海，永矣投禪宮。

龍寺寒泉

靈源沁寒泉，乃在翠微頂。中有修鱗蟠，白日烟雨暝。山僧習止觀，木客照孤影子。亦洗心人坐，來白雲冷。

晚宿雙峰驛樓與故人陳哲言別

山暝烟已歛，林涼月初生。扁舟泊江汜，候吏欣相迎。登樓引孤興，開筵坐空明。杯分劍溪綠，簾捲雙峰青。几席湛碧流，蘭氣浮冠纓。冷冷露叢鵲，中夜四五驚。偶因念物性，終焉感吾情。十年懷一枝，三匝棲木寧。茲晨胡爲

哉又逐孤雲征良宵一邂逅明發增屏營蕭蕭衆  
簫寒萬壑同時鳴絨絳  
別知己解纜搖行旌

送張謙二首

醉呼秦淮酒臨岐歌慨慷吳姬小垂手一曲春風長扁舟不停橈去路但  
茫茫青山人楚甸白雲思越鄉豈無壯士懷擊節心飛揚憑將繞朝策一  
贈囊中裝

海鶴青雲姿豈解司晨鳴時來翅歛翮終當遊太清奔鶉復何知開口笑  
沉冥饒來不飲啄再啖長風生請看昂藏軀寧與鷄鶩爭維應瑤臺鳳可  
與蜚英聲

送僧歸越中

錫挑龍河雲衣帶越溪雨說法方西來隨緣復東去松枝偃故房柏子落  
庭樹從此上方逼人間但疑佇

秋暑中寄鮑紀善

出門車馬喧秋煬烈如燁不有靜者心茲懷曷由展念君守幽素閑跡同  
偃蹇塵榻曷字頻閒窓畫絲罥誰開蔣生徑獨契子雲館何時風雨來一

洗煩慮遣

舟中望匡廬

茲山東南美植立雲霞中九疊繁秀色萬古青茸茸我懷志靈奇絳帆喜  
相逢林端望飛瀑天際數雲峰香爐紫烟滅玉鏡澄湖空飛翠落巾袖毛  
髮䟽天風顧此逐行役無由訪仙蹤長詠遠公傳坐憶東林鍾

登黃鶴樓

迢迢江上樓飛梯層穹黃鶴何年來結巢白雲中仙人整羽蓋一往無  
遺跡瑤笙紫河車瀟灑餘天風至今啓重關呵守虎豹雄雕簷敞白日闌  
檻標晴虹我因駐旄節登攀與何窮神行萬物表目送雙飛鴻依依烟際  
帆遠落三湘東霜清楚天碧樹盡荆門空長辭愧福生高興懷庾公落日  
下樓去烟水青蒙蒙

龍州道中

微生易爲役遠節恒自持夙興戒前征萬里投南陲迢迢古龍州山徑雜  
羣夷浮雲翳兩曜衆壑昏陰霏由茲望明都尚隔天一涯淹留暫停騎促  
刺心不怡所愧子桑戶中林人見稀

出鷄陵關

手麾白羽遙凌晨出夷關夷關春始開行旅多歡顏  
咲掬青澗流爲洗瘴癘殘浮雲引征佩共結輕陰  
遂前登忘險疲憑高眺林巒却憶征南幕溟濛海霧間

宿烏巖灘

扁舟宿屑灘灘漲夜來雨飄飄遠客情叙歷榜人語  
登途畏虎跡突瀕逢鯪怒東山尚沉冥推篷幾延佇

蒼梧道中

驅車九疑道獨鳥東南飛看山不覺遠秋雲生我衣  
深谷走羣巖半岑明夕暉中林有蘭茝薄暮空芳菲

曲江謁張文獻祠

停舟曲江畔吊古謁遺祠巖巖始興公遺澤芬在斯  
堂傾風雨萃碑斷苔蘚滋芳春莫行旅落日歸文狸  
唐宮昔全盛衡鑒方獨持弼諧展嘉猷讜論非詭隨  
離離朝陽風粲粲補袞絳側聞卧病後九廟烟塵飛  
漁陽突騎來中華混羣夷信知砥柱功用舍同安危昭  
陵鐵馬空仙李祚久移維餘

蘭菊存千秋恒若茲我來薦微誠再拜當前墀顧瞻廟貌間風度猶可希  
武溪何淫淫蓉峰亦巍巍只今相業隆孰與前修期臨風一長嘆山雨來  
霏霏

過清遠峽

兩山夾飛流曲折始東走排空殷崩雷出峽去愈驟商人數畏津漁子駭  
奔溜回瀾乍窺淵逆瀨亂洩竇上當羣石爭下及衆川湫勢齊龍門險雄  
長碣石右惜哉神禹功莫畫遠莫究遂令五嶺南別與萬靈闢我行一停  
舟適值風雨候崩騰心爲惶泥濘目已脅篙師戒前征薄暮不敢逗開蓬  
訝驚滿宛若羣鷺遙乃知造化神茲寔巨宇宙三復忠信言呼酒聊獨侑  
前有尊酒行

前有尊酒我爲君壽有瑟在筵有螯在手青年旣徂白髮被首於今不樂  
古人奚有自昔有言俟河之清人壽幾何云胡不零起舞傴僂側弁以俄  
弗鼓缶而歌恐大耋之徒嗟秋露如玉下彼庭綠良夜未央胡不秉燭東  
陵死利西山死名莊周放達禹稷躬耕吾誠何暇以論此前有尊酒君須傾  
長歌行

有淚莫泣鮫人珠有足莫獻荆山玉赤心徒使撈劍猜至寶翻令笑魚目  
千金蹈海稱達人五噫出關西去秦君芻不復遇知已空歌白石南山春  
楚卿棄相復何有於陵甘作灌園叟雜縣偶集衆東門惆悵胡能事杯酒  
長風蕭騷百草殘長歎悲歌涕洟瀾金臺駿骨久已化瑤水風波不可攀  
畏途羊腸能折軸緘書爲謝雲間鶴海上三花久負期醉歸謾托平原宿

將進酒

故人手持金屈卮進酒與君君莫辭仲孺不援同產服孟公肯顧尚書期  
當歌激風和結楚吳姬白苧莫停舞黃河東走不復回白日經天豈能駐  
田文昔日盛經過朝酣暮樂艷綺羅高臺已傾曲池廢祗今誰聽雍門歌  
我有一曲側君耳世事悠悠何如此子雲浪作投閒人賈生空弔湘江水  
春風南園花滿枝莫待秋風搖落時東山笑起徒爲侶乘時莫負高陽池

行路難

倚劍且勿嘆聽我行路難世途反覆多波瀾隼原九折未爲艱君不見漢  
謠斗粟歌未闌長門一夕秋草殘骨肉之恩尚如此何況他人方寸間又  
不見絳侯身榮應繫獄賈生終對長沙鵬功成更覺小吏尊才高寧避明

時逐所以赤松子遠赴中林期誰能吳江上見笑鴟夷皮驪龍有珠在滄海勸君逆鱗勿嬰之子推介山下屈原湘水湄當時枘鑿自不量至今憔悴令人悲行路難難爲言滄浪一棹且歸去長安大道橫青天

短歌行

東風吹花墮錦筵綠楊半暉青樓烟主人自爲鵲鴝舞小妓更奏鶯鶯絃當杯入手君不醉落日已在西山巔短歌一拍心茫然請看明鏡高臺上何須白髮悲芳年

君馬黃

君馬黃我馬白二馬同嘶出南陌南陌東阡夾渭橋馬行平地似青霄羈金絡月人皆羨振玉鳴珂意自驕朝出相隨暮相逐可憐人馬皆如玉如何與君生別離君馬東行我馬西欲知後夜長鳴處羞對驚駘一萬蹄

贈吳六

少年結客遊五陵布衣落魄喜談兵是時氏羗殺主將邊庭一夕烟塵生當筵意氣許君死飲血報仇爲知己一生猿臂挽兩弧三尺魚腸走千里窮秋絕漠羽書飛輕身陷陣解重圍眼看旄頭關塞落手持虜首轅門歸

帳下三杯躍紫燕。眾中萬歲瞻白衣。功成幕府失姓字。扁舟歸釣滄江湄。  
爾來時平復何有。萬事蹉跎付杯酒。昔年蓮鰲吐星鉞。今日茅茨開虛牖。  
丈夫感激驚心魂。平原食客有誰存。臨風夜夜吊孤月。長歌擊筑聲俱吞。  
聞來遇我何所爲。未言往事先淒其。鬢毛零落已如此。心跡悠悠誰復知。

寄答黃伯亨

我馬從東來。君車正西去。有似風吹海上雲。天際無心忽相遇。與君相遇  
卽相知。瀝膽輸肝無復疑。虞卿豈顧雙白璧。平原輕擲二美姬。狂歌一斗  
酒。共醉六屏月。拂曙登古臺。慷慨與君別。君行五嶺南。我阻三山道。何處  
我思君。天涯但芳草。昨朝鴻鴈下江烟。啣得君書置我前。開緘拂冰雪。千  
里情洒然。念昔與君多意氣。相期豈作桃李妍。駿生立堂下。叔向知其賢。  
袁宏發朗詠。謝公送回船。丈夫一語苟有合。何必結交窮歲年。我有古干  
將。絀澁久棄捐。寧甘困泥滓。恥爲兒女憐。君有長歌向余寫。我將古調爲  
君宣。月明剡口鳴風泉。清商一曲付哀絃。雲山麋鹿可爲侶。紛紛薄俗何  
其偏。

宿桃溪方翁家贈別



清溪一帶綠桃花春來水上流胡麻東風蕪源泛瑤棹雲中遠見山人家  
於茲水木相含景最長松杉亂天影少焉林壑聚顙鳴巾舄飛來片雲冷  
二三老翁住東陂薜衣霜雪垂兩眉自言入山歲已久不知人世今何時  
傳聞有客驚還喜共薦清泉飯松子烟林霧篠不逢人碧草苔花應滿地  
問予何事在塵間那似山中日月閒  
戶聊同魚鳥醉石床常伴雲霞眠  
乍逢靈境真堪悅區綠未謝還成別別後重來定幾時夢繞溪邊綠蘿月  
東湖春意圖爲樵門李姚生題

鴛鴦湖上春風軟柳絲無力桃痕淺暖烟籠碧水如雲纖纖細草苔香滿  
滿樓臺画大堤傍羅綺晴嬌綠水鄉水絃玉柱新調吕半蹙雙蛾倚淡耕  
鷗鷺雙點晴霧百勞東飛燕西去紫泥誰染天上春雲絨留得相思句  
日暮相思枉斷腸綠波千里共悠揚龜甲屏風花夢曉一抹修蛾鏡中小  
楊秀才幽居

楊子幽居處開窗面遠空水喧明鏡裏雲落画屏中捲幔留山月揮絃送  
晚鴻何人問奇字載酒野橋東

送夏廷簡宿怡山蘭若

別路繞珠林秋來落葉深一燈今夜雨千里故人心已覺空門幻還驚旅  
況侵坐聞鍾鼓曙離思轉沉沉

賦得邊城雪送行人胡敬使靈武

萬里燉煌道三春雪未晴送君走馬去遙似踏花行度蹟迷沙遠臨關訝  
月明故鄉飛雁絕相送若爲情

賦得花影

欲拂更紛紛空香寂不聞亂述芳蝶夢輕護錦苔紋襯月籠書幌因風颭  
舞裙莫移庭下步蹴碎一階雲

送沙予進赴祿州別駕

客舍酒初香都門柳色黃一官仍別駕萬里赴炎荒江路猿聲早山城榕  
葉涼遠入勞撫字且勿厭殊方

送李校尉致仕還江左

雄劍委龍鳴閑河白髮生功成百戰後老去一身輕夜月桓伊笛秋風蹕  
騎營燕歌何處寫曲罷有餘情

夏日同呂民部宴臺山閣書贈邑令沈丙

林吹遶橫塘山亭挹衆芳琴尊延勝引環珮集仙郎高詠揮麾塵飛泉激  
羽觴薦薰衣入麝玉冷簾浮湘鳳想辭丹掖鸞絨貯縹囊群峰屏遍列一  
水鏡牽長寶瑟頻調柱清歌迥繞梁澗花開作對山鳥下成行已判徵仙  
事還疑倒醉鄉染塵慚汨沒畢景恣徜徉桂城流初魄松樞促晚涼幽期  
殊未已書此報河陽

寄張員外

新年柳色滿都城仙掖朝迴聽早鶯日隱層堦殘雪在香傳別殿曉寒輕  
瑤池阿母憐方朔漢室公卿羨賈生獨笑長卿淹病久茂陵高卧有餘情  
過舊游有感

濕雲如醉護輕塵黃蝶東風滿四隣新綠只疑銷晚黛落紅猶記掩歌唇  
舞樓春去空殘日月榭香飄不見人欲覓梨雲仙夢遠坐臨芳沼獨傷神  
登采石蛾眉亭

牛渚磯頭烟水生蛾眉亭下大江橫春歸楚樹浮空盡山阻淮雲入望平  
瓊館有才堪倚馬錦袍無夢借飛鯨停桡欲和渝州曲都付吳歌子夜聲  
宿巴陵聞笛

玉筵飄殘月下聲空江秋入思冥冥怪來楊柳移關塞可是梅花落洞庭  
半夜旅魂隨調切誰家少婦倚樓聽曉來更覓龍吟處一點君山水面青

題美人撲蝶圖

爲惜韶華去春深出綉幃撲將花底蝶祇爲妬雙飛

題画白翎雀

塞花原草度交河往日曾隨鳳輦過一自翠華消息斷空將遺恨寄雲和

題米老山水

海岳庵前覓舊蹤蒼茫雲樹米南宮別來幾片青山影都付寒鷗一蓼風

題画鷓鴣

原草飄殘作雪絲日斜馬上鬪歸時五陵別後傷心事零落涼州笛裏吹  
雨中過洞庭

昨夜南風起洞庭曉來湖上雨溟溟忽看天際驚濤白失却君山一點青

重登岳陽樓望君山

南湖烟水接天流天際青螺掌上浮欲弔湘君何處是不堪重倚岳陽樓  
長沙懷古

孤城獨上思徘徊何事人間苦棄材寂寞湘南烟雨裏賈生還平屈生來

登月江樓仙人槎浦也

朝來一上月江樓江雨長涵瘴水流望斷釣槎人已遠青山點點是邕州

左江錄似友人

左江江水日潺湲鳥語莎裳住百蠻莫道天涯應在此交州更隔萬里山

交州卽事二首

一騎衝嚴到市橋夕陽烟樹草蕭蕭居人猶指高駢塔碧瓦朱甍尚未凋

莫道平居是百蠻烟花江月也同攀一從烽火連天後縱有神珠去不還

交州病中錄似諸友時軍中絕餉以手帖于主帥索糧

問病尋方事總虛漫勞車馬慰躊躇三年玉署蘭臺筆學寫顏公乞米書

九日黃司空招飲不赴書以答之

菊觴更豆有佳期客裏憐君慰所思不是參軍招不赴病來烏帽未勝吹

王典籍恭

恭字安中閩縣人少游江海間中年葛衣草屨歸隱于七巖之山凡二十

年自稱曰皆山樵者王儼爲作皆山樵者傳永樂四年以儒士薦起待

詔翰林年六十餘矣與修大典書成授翰林典籍居頃之投牒歸著詩數十卷號曰白雲樵唱

寒下曲

登埤望烽火落日烟塵紫百戰久不歸空閨泪如水漢兵十萬餘盡沒長城死城下有精靈啾啾月明裏

舟次鐔津

木落川氣涼鴻飛水容夕微燈射遠沙夜榜辭幽石月色棲處寒霜花坐來白遙見九華峰蒼蒼但蘿薜

初秋同叔弢彥時遊崇山蘭若

習靜厭紛擾幽尋給孤園倏然香林下似得桃花源一鳥落天鏡千花秀禪門紛吾道梳淺謬接甘露言月色隱秋思荷香清夜魂終希偶緇錫永矣超塵喧

虛白子水墨圖爲陳思孝題二首

開圖見嵩少妙趣忽已領濛濛花源陰窈窕多靈境石洞闕苔紋天窗逗雲影迎秋鵬冠涼先雪荷衣冷長夜何所聞龍鳴在西頂

鵬冠飯雕胡分與時人淺道存心自玄豈必泉蘿遠綠水淨鳴琴空林對  
虛館山中春桂枝條爾飛霜滿寄語青雲人投簪事應晚

偶書醉樵翁頭

幽谷夜來雨遙岑積鮮雲山光與潭影清暉并在君佳期發琴興念爾鸞  
鶴群何爲解蘿薜悵然坐離分

梅城小景

滄江湛回流荒城出花嶼海色明遠洲嵐光過新雨漁家孤笛秋烟火疎  
林暮漠漠天際帆蒼蒼島邊樹若人靜者流持竿得真趣取樂非取魚日  
斜忘歸公

書香山九老圖

唐家名臣白居易暮年脫略青雲器抗節羞趨當路門拂衣起謝人間事  
以茲疎散愛香山洛下群公亦遂閑玉堂金馬俱殘夢流水孤雲同去還  
石樓烟樹朧朧見八節迴灘瀉秋練雲衣落落古松姿鶴髮皤皤凍梨面  
人生宦達應如此豈必浮名絳青史楚國三生少見機竹林七子徒爲爾  
名遂身閑古所稀洛陽山水又清暉青山何處無佳賞白首湮沉空布衣

賦易水送人使燕

燕山北起高峩峩東流易水無停波北風蕭蕭筑聲切昔人於此送荆柯  
圖中七首非良計堪嘆燕丹無遠器髑髏空死樊將軍日莫秦兵滿燕市  
往事空餘易水寒白翎飛下地椒乾經過此地對流水知爾踟躕馬上看  
筆人勸酒

新豐美人青樓姬絳裘素腕嬌雙眉暫歇秦箏勸郎酒西涼葡萄金屈卮  
郎君但飲休辭醉百年悠悠夢中是神血朝凝不復知日暮青山北邙裏  
迴身更整十三絃金雁離離繞鈿蟬十二闌干月將墜錦筵紅燭浮青烟  
人生歡樂那能久豈惜星躔倏奔走妾容未改君少年日日尊前勸君酒

望秋月

望秋月在家見月如等閑幾度天涯望秋月明月雖同非故山舉頭問明  
月古往今來幾員缺明月如有言問我少年今白髮君不見汾水秋風鴻  
鴈來鄴中歌舞盡蒼苔憂懼只問今時月曾照離宮與露臺今月應將古  
月同古人今在九泉中誰言金粟西陵下不見流光到梓宮

妾薄命



玉釵墮地無全股，雙鳳蟠龍兩分去。雖藏匣底終棄捐，欲賣傍人不直錢。  
輓轡宛轉黃金井，手挽銅鉚繫絨綆。誰知綆斷鉚墮泉，千尺深沉不窺影。  
銅鉚墮泉釵墮地，君心何得生離異。

去婦詞

刺促何刺促，東家迎，西家哭。哭聲休使東家聞，東家新婦嫁郎君。滿堂  
笑語看珠翠，夾道風傳蘭麝薰。浮雲上天花落樹，君心一失無回悟。明知  
遣妾何所歸，飲泪行尋出門路。青銅鏡面無光采，苦心尚在客華改。東家  
新婦傾城姿，似妾從前初嫁時。

三山朱孔周南樓偉觀

飛樓軼浮埃，迥繞三峰翠。樓中十二曲欄干，下瞰蒼蒼但鱗次。七閩重鎮，  
舊繁華，九陌三衢十萬家。連營國步軍容盛，法字仙臺鳥道斜。遙天塔影  
迴孤雁，何限清暉卷虛幔。洗馬濠頭過雨香，釣鱸磯下春潮滿。白雲飛上  
越王山，憶昔豪華年。夢間城池百戰今，誰在草色千門幾度閑。玉章繪袞  
分秦土，瑠弓白馬空陵樹。霸氣榮光共渺然，屠龍射鱷知何處。登臨懷古  
興悠悠，酌酒彈絃醉不休。博陵才子能歌咏，靈武詞人解唱酬。門外金羈

多上客獨憐王粲未銷憂

鷄公壘

荒崗古墓鷄壘邊蔓草離離生野烟狐狸養子隱荆棘烏鵲作巢銜紙錢  
石麟埋沈土花溼雕磚剝落樵人拾天陰螢火暗復明月下精靈語還泣  
此墳未必無子孫夙昔傳聞皆宦門浮榮一去不復盛空餘古木啼清猿  
誰家新冢高數尺又買西家墳上石憶過秦中北邙路喪車磷磷冢無數  
黃金買山葬死灰昨日官軍斫墳樹崩塋斷墳襟苔痕髑髏無聲眠草根  
生前意氣動山岳身後淒涼邈九原

聞笛歌送人之塞上

橫笛對離亭扁舟越江口月下何人最斷腸天涯怨別吹楊柳楊柳繁音  
愁復愁梧桐蕭瑟江楓秋長林半夜葉皆脫積水三江雲不流長夜漫漫  
聽未了變羽回宮猶嫋嫋越海天邊鳥不飛閩關月暗猿聲小須臾一曲  
更淒清零落梅花滿楚城楚城迢迢接沙磧邊客聞之泪俱滴黃埃積雪  
暗長關絕域窮荒草根白此夜愁心獨對君明朝悵別又離羣單于城上  
吹羌管知爾相思不忍聞

送張少府朝覲

閩州少尹家何處夢裏青山深陽樹訟庭無事獨哦松走馬金陵看花去  
青繩御路連青天五陵俠少黃金鞭紅橋青幔多買醉少尹囊中無酒錢  
朝回道過鄉山口春風又發秦淮柳漂水芹邊二校文相逢爲問平安否

夏夜曲

初月照迴廊鳴璫出洞房竹清殘暑氣荷泛小池香雪腕官羅潤雲鬟夜  
玉涼庭前有梧葉早晚落銀牀

梅江送林中州歸龍塘

清時尚不官道在任家寒夜夢梅花帳朝吟首宿盤魚風吹鬢冷蚌月照  
衣殘歸去鄉林下橫塘竹萬竿

寒村訪隱者

谷口微霜度寒村獨見君西風正蕭索落葉不堪聞古路無行客開門有  
白雲爲憐幽處好不忍使離羣

梅江送林澤中還嶼南

賣藥偏成隱相逢但布衣梅江秋外別花嶼雨中歸遠火千峰夕遙鍾獨

雁飛自言今白首此去故人稀

客中見新燕

可憐江上燕幾日到烏衣欲向誰家去  
應舊主非落花深巷小喬木  
梁稀自笑天涯別秋風想未歸

寒夜宿張藻宅偶賦

旅人眠不安抱劍夜中彈月映花林白  
霜淒兩壁寒澹雲孤夢遠流水半  
生殘想是平原館萋萋草正繁

梅江送林中洲歸

不羨魚羹飯寧甘苜宿香小齋隣蟹舍  
曲几近蛟房別路分沙堰行衣受  
海霜到家看舊竹涼月滿橫塘

九日

落葉滿秋山親朋杳靄間江村多雨外  
世難幾人還白髮偏能長黃花好  
是閒聊將一杯酒漸爾解離顏

吳城懷古

姑蘇城下刺蘭橈却憶吳王古市朝香  
輦路邊春寂寂館娃宮外草蕭蕭

千年往事空啼鳥，半夜疎鐘自落潮。明發不堪回首處，曉烟秋雨過楓橋。  
賦得白雁送人之金陵

燕山榆葉望秋稀，雪羽瀟瀟向楚微。夜雨蘆花看不定，夕陽楓樹見初飛。  
影隨漢騎營邊落，夢遶胡兒笛裏歸。君到石城霜漸冷，暮雲聲斷欲沾衣。  
題彭顰玉秋山行旅圖

關門秋晚葉皆飛，征路逢霜客漸稀。獨樹斷猿愁遠騎，隔林殘燒映行衣。  
西風一飯人烟少，落日千峰夕鳥微。莫向他鄉留滯久，故園山水候君歸。  
初秋寄清江林崇高先輩

十年滄海寄萍蹤，迢遞鄉山思萬重。島外明河秋一葉，天涯涼月夜千峰。  
心知久別魂應斷，生事中年夢亦慵。無限相思何處著，越山仙島樹蒙茸。  
送別林彥時之建上

黃葉紛紛秋滿天，故人今夜惜離筵。他鄉見月長爲客，別路逢霜半在船。  
劒浦絲無連晚燒，幔亭荒樹帶寒烟。明朝碧水丹山下，知爾相思若箇邊。  
道人延翠軒

山水嬋娟掃黛屏，清脾迢遞到柴荆。雲歸獨樹天邊小，雪罷孤峰島外青。

寒蘚帶花侵卷幔野泉流葉近閑庭浮生只解人間事未得從師種茯苓

沙堤燕集次韻答王介軒黃嗣鰈

滄洲沙館共懽攜紅燭青尊月易西孤客獨憐萍尚泛幽期那似鵲同棲  
霜飄敗葉催殘臘雁引寒聲入夜溪何事故人俱斷酒風流佳句若爲題

梅城夜泊

澤國秋風旅雁飛海天愁思正依依孤城背嶺聞吹笛白露橫江臥濕衣  
砧杵遠村寒事早市橋殘火夜漁歸興來且醉梅江月遮莫鄉原落夢微  
行次海上

曉風吹酒動離顏別路蕭條草樹間積水亂流疑夢渚一峰中斷似君山  
鷄鳴海曙寒潮小雁引秋聲落葉閒行李飄飄何處往暮雲飛鳥倦知還  
送友人流西涼

鳳林關路遠悠悠惆悵行人過陝州渭水寒流秦塞晚灞陵殘雨漢原秋  
玉門壁壘看應徧白草黃榆夢亦愁江海同人今已盡南冠何事到君頭  
送陳自立遊古田

孤舟何處興堪攜紅樹千山野水西別路鴻聲天外小荒江帆影望中迷

到樓殘笛兼秋聽向壁新詩倚醉題我有相思寄流水寒湖唯到白沙谿

古鏡

寶鏡何年鑄龍紋積暗塵非關磨洗倦恐照白頭人

鷓鴣

綠樹殘春外雙飛錦翼齊長沙有遷客莫向雨中啼

長信宮落花

深宮花謝使人愁片片隨風滿御溝妾命自憐花共薄君恩那似水東流

漁笛

扁舟吹笛度橫塘款乃聲中也斷腸莫道漁郎無別恨武陵雖好是他鄉

聞子規

枝上聲聲怨落暉居人聞此也沾衣啼時莫近湘山路更有長沙客未歸

永秋風

青蘋江上響瀟瀟吹得林間萬葉飄何處淒涼最關別數株殘柳灞陵橋

輓道士

雲卧山房秋草青步虛聲斷月冥冥淒涼行到空壇上拾得松間舊鶴翎

村居

草徑茆扉帶款沙，隔林鷄犬幾人家。  
青山盡日垂簾坐，落盡棕桐一樹花。

春鴈

春風一夜別衡陽，楚水燕山萬里長。  
莫怪春來便歸去，江南雖好是他鄉。

衰柳

西風昨夜瀾陵秋，千樹蕭條帶驛樓。  
莫道離人空有恨，暮蟬寒雀也關愁。

海城秋晚

西風一雁海城頭，羌笛聲中水亂流。  
楓葉蕭蕭山月下，戍樓殘火幾家秋。

老馬

百戰沙場老此身，長楸官草幾回春。  
只今棄擲寒郊路，猶自悲鳴戀主人。

山窗夜雨

深澗垂蘿暗竹房，半枝殘燭雨聲涼。  
蕭條樹葉千峰裏，不獨啼猿斷客腸。

山樓對酒

樓前積水映蒼苔，卷幔孤雲落酒杯。  
更盡一樽秋雨外，故山曾有幾人回。

海上送別林崇高先輩



海上新晴野水春烟村花鳥送行塵十年客路堪惆悵况復今朝別故人

東山留別林良箴寓舍二首

鳳林溪上見秋風客裏相看欲轉蓬鴻雁蕭蕭霜漸冷別離况是葉聲中  
秋原千樹葉初飛夜火遥村聽搗衣莫向他山倍惆悵家林猶恐未堪歸  
胡兒吹笛

雪淨陰山片月孤數聲羌笛起單于不堪吹作梅花調多少中原客在胡  
月下聞笛

愁心不見薛瓊瓊何處銀箏半夜聲腸斷十三絃上月一絃一柱總關情  
題梨花班鳩圖

繡頭爛斑錦翼齊梁園春樹好飛栖樂遊年少偏嫌雨莫向花間自在啼  
挽方山聞維那二首

雙樹花飛送斷香六時經梵轉淒涼青山何處堪垂泪殘月疎鐘下影堂  
禪心無住復無依何處飄飄雙屨歸想是石橋西畔去寒林空葬舊僧衣

高典籍棟

棟字彥恢仕名廷禮別號漫士長樂人永樂初自布衣召入翰林爲待詔

九年始陞典籍永樂癸卯卒于官年七十有四流傳篇詠母慮千餘篇選唐詩品彙九十卷拾遺十卷議者服其精博書得漢隸筆法畫出米南宮父子時稱三絕門人林誌志其墓曰詩至唐爲極盛宋失之理趣元滯于學識而不知由悟以入自襄城楊士弘始編唐音正始遺響然知之者尚鮮閩三山林膳部鴻獨倡鳴唐詩其徒黃玄周玄繼之先生與皆山王恭起長樂顏頤齊名至今閩中詩人推五人而殘膏賸馥沾漑者多林之論閩詩派可謂悉矣推閩之詩派禰三唐而祧宋元若西江之宗杜陵也然與吾耶膳部之學唐詩摹其色象按其音節庶幾似之矣其所以不及唐人者正以其摹倣形似而不知由悟以入也神秀呈偈黃梅謂依此修行免墮惡道昔人亦謂日撫蘭亭一紙終不成書自閩詩一派盛行永天之際六十餘載柔音曼節卑靡成風風雅道衰誰執其咎自時厥後弘正之衣冠老杜嘉隆之嘯笑盛唐傳變滋多受病則一反本表微不能不深望于後之君子矣漫士詩所謂嘯臺集者其山居擬唐之作音節可觀神理未足時出俊語錚錚自賞木天集凡六百六十餘首應酬冗長塵坌堆積不中與宋元人作奴何況三唐漫士旣以詩遇出山之後遂無片什可傳

所謂不復能歌渭城者乎余於漫士詩僅錄嘯臺者以此

將歸龍門留別冶城諸遊好

海水與別意相看更誰深長風向東來吹我東歸心悵然舊山雲蒼茫遠  
洲樹一鴈飛晴空翩翩又東去此別非萬里後遊當幾時啣杯不盡歡握  
手翻成悲我去聽寒泉君留釣臺月唯有長相思因之寄天末

山泉賞

群嶂橫秀氣飛流落雲中陰厓寫古雪月壑垂長虹洄注石鏡淨秋臨遙  
天空孤賞憶謝眺青山度松風

九月八日郭南山亭宴集分得下字

海國霜氣涼秋聲落遙野乾坤肅以清收納屬多暇出郭尋幽期同人命  
軒駕載酒入翠微憑高憇層榭蒼山橫黃雲大江天同瀉飛雨霞際晴夕  
陽雁邊下江山滿陳跡今古成代謝千載同一時黃花咲盈把酣歌林壑  
暝新月松蘿掛高興殊未平臨風獨悲咤

嶠嶼春潮

瀛洲見海色潮來如風雨初日照寒濤春聲在孤嶼飛帆落鏡中望入桃

花去

衡江夕露

大江白露下秋氣橫滄浪夜色不映水微風忽吹裳孤舟待明月時聞蘭杜香

同群公餞鄭五秀才至鼓山寺分題贈別賦得臨滄亭

芳巖海上秀中峰開禪宮飛亭掛空翠直上臨方蓬溟漲在几席天光映簾櫳目極萬里外但見清濛濛曙色從東來晃然霸境空登臨豈不偉別意嘆無窮

賦得客中送客

在山每送客客行思未已他鄉此別君離情滿天地長空一飛雁落日千里至故園未同歸寄君兩行泪

秋江漁唱

大川饒數畧淺瀆無吞舟日暮收我綸唱歌度中流歌長入空闊兩岸江聲秋斷續和鳴榔搖颺隨狎鷗曲終人不見雲水空悠悠

賦得羅浮霜月懷鄭二逸人

海國梅始白飛霜動鳴鍾寒空一片月掛在羅浮峰夜色不映水清光與  
之同百里皆瑤華千林閉幽風蕭條巖際葉嘹唳雲邊鴻遠客起遙念滄  
波思千重夢迴明鏡沒寂歷聞幽蛩

郭晦之歸巖峰群公相送至光嚴寺分得客字

化城負東郭地古嚴公宅同佩結幽尋况值將歸客山門坐翠微蘿逕入  
松栢定水駐行衣香雲繞離席啣杯雙樹間百里見海色日暮各分飛空  
山夜寥寂

題邑生陳溢鍾山草堂

鍾山抱藍田水木含清氣愛爾靜者居草堂在山翠簾櫳映竹開几席侵  
花置野客載酒過山僧抱乘至陶然接歡賞邈爾成幽契月出天海空雲  
生石門閉岱溪樵唱來沙頭松聲細佳趣足淹留遠心更迢遞維時屬伏  
明巖穴無遺棄終南登捷徑北山裂荷製子亦問山靈斯人果忘世

秋江離思送朱大之京

暮色帶遠嶼大江浩悠悠臨分未能別紅葉滿汀洲夫子何所適綺紈上  
國遊涼風吹飛旆沙路鳴紫騮載酒江上石把杯對高秋遙山微雨晴夕

陽在孤舟海鷗去翩翩焉能狎羣鷗青雲可翹首滄波正安流

春磻幽亭

林下雲水香幽亭識花氣相看話所思春色令心醉之子尋幽期孤琴入空翠

賦得燈前細雨贈別鄭浮丘兩字韻

野館昏色來明燈靜深場故人惜暎違共此尊前雨寒影明遠心夜聲帶離苦飄蕭初拂席颯沓仍近戶重靄溼餘芳宿雲暗平楚明發送君行淒淒滿南浦

同遊六平山探得燭字

出郭秋已深寒原騁心目愛君幽栖地市鄺若林谷初月諧晚尋同人遂成宿樓虛在山翠書聲向喬木飛雨一峰來微雲度疎竹清鐙對殘尊孤槩寫幽曲自得靜者心何須遊秉燭

水竹居

清溪入雲木隱處林塘深微月到流水泠泠竹間琴虛聲起遙聽天影澈遠心余亦鸞鶴羣將期此投簪

綠楊雙燕圖

三月白門道垂楊千樹花君看雙燕子飛去入誰家門巷失故壘時來拂枝斜春風更相惜莫與亂栖鴉

醉歌行鄭二廣文西齋宴集分得一字

吾愛鄭夫子妙年振英聲讀書不肯死章句咲殺當時魯兩生男兒何事空饑餓角巾嘯起東山臥三奏陽春和者稀立談古人獨知我知我家無二頃田幾翻相見客中憐開心寫意不足惜千金散盡還依然廣文高館歸來好搥鼓談經日應早堂下諸生揖鄭虔門前食客謁平原傾家祿米三百斗一歲只供沽酒錢西齋爲余造瑤席滿堂盡是青雲客綺席金盤蘇合香銀瓶綠酒玻璃色昨夜東風天際來桃花咲人歷亂開春光如此得幾日母多酌我何爲哉山公不解倒騎馬習池春水空莓苔我歌白雲興偏逸君起揮毫誇第一空名何用掛百年劇飲唯須醉千日鄭夫子聽我歌與君更進酒但使朱顏酡君不見陌頭楊柳色青青飛花昨日吹滿城又不見樂遊原上咸陽道漢闕秦陵幾迴好昔時歌吹激浮雲今日殘陽映衰草不用悲歌空斷腸請君勸客勿停腸古來唯有留賓驛到處逢

人說鄭莊

賦得吳航渡送趙少府之京

君不見吳航渡河上蕭蕭多古樹樹根積石長青苔應比昔人繫舟處寂寞寒潮自往還關河北望空雲山天浮百粵榮光歇海接三吳霸氣寒吳王城闕幾千載舸艦何年到閩海危檣峻櫓逐飄風今日吳航名尚在江上年年春草新城頭車馬往來頻野鳥不知驚候吏垂楊空自送行人

題臺江別意餞顧存信歸番禺

置酒臺江上悵然傷解攜番禺天萬里矯首南雲低停舟對君日將暮目送南雲指歸路鄉夢多隨蜃母樓家林近入扶桑樹滄浪浩蕩杳難期此別重逢又幾時東去臺江應到海唯因流水寄相思

梅江謠留別梅江諸友

六月登玉京炎蒸欺人不可行側聞梅江水寒冰玉壺只如此梅江之水千丈深人言此水直千金千金未必稱人意我欲愛之清煩襟皆山樵人坐我語相攜尋幽指何許塵心飛度象湖雲水濶天長來言苦青眼故人如白鷗招邀待我黃沙頭采秀探奇入靈境上攀龍峰最高頂龍峰絕頂



宛蓬瀛登高望遠形神清大江茫茫寫溟漲元氣浩浩無虛盈飛濤一髮  
雪花白遙山數點琉球青歌帆側施凌空濶歷亂中流棹歌發居人雲水  
弄生涯撇網拋綸到窮髮君不見龍峰山陽五百家龍峰市上半魚蝦儒  
生不學老農稼青門多種故侯瓜三尺兒童誦詩禮向余亦指長風沙一  
嚴兵備限荒服百雉孤城鎮海涯孤城殘戍揚威武島夷蠻貊竄如鼠清  
秋幕府偃旌旗白日轅門卧貔虎如此承平百事無江山所以待吾徒賢  
豪傾倒平生意琉璃杯綺席來相娛我愛江山對君酌江山笑我辭復鶴從  
來心事戀烟霞漸老誰知愧林壑今日向君傾綠尊千觴不斷別離魂臨  
歧揮手謝知己飛心騁目瞻天門興爲梅江謠醉別梅江去他年此地泥  
塵纓憶得西城別君處

擬奉和早朝大明宮之作

明光漏盡曉寒催長樂疎鐘度鳳臺月隱禁城雙闕迥雲迎仙仗九重開  
旌旗半掩天河落閭闔平分曙色來朝罷珮聲花外轉回看佳氣滿蓬萊  
訓林一和閒齋見懷之作

東山遙夜雁歸聲兩地相思舊感生芳草白雲無那別春風黃鳥若爲情

雙溪日下鷗波靜獨樹原頭獵火明誰道離居成寂寞好文地主久知名

得鄭二宣海南手札

番禺天外古交州念子南行戀舊遊故國又經花落後遠書翻寄雁來秋  
梅邊野飯逢人少海上青山對客愁爲報羅浮雲影道早隨明月引歸舟  
早雁

涼霜八月塞天寒飛度衡陽楚水寬少婦樓頭初掩瑟一行先向夕陽看

王紀善褒

褒字中美閬縣人嘗爲長沙學官知永豐縣召入預修大典擢某王府紀  
善永樂丙申卒于官見高棟輓詩序閩中十才子稱翰林修譔殊不詳也  
中美與孟揚安中齊名其詩殊乏才情不堪鼎足或其佳者不傳耳

題綠柳紫燕圖

綠柳夏依依差池玄鳥飛蹴花隨別騎啣絮點征衣隋渚晴烟暝章臺夕  
照微衡門相托久應傍主人歸

輓詩

越臺草綠鷓鴣飛劒化龍津事已非故國遺臣空北望異鄉作客獨南歸

新祠海上經秋雨舊業林間半掩扉讀罷遺文腸欲斷桐城何處一沾衣

陳處士亮

亮長樂人字景明故元儒生明興累詔不出作讀陳搏傳詩以見志作草屋滄洲中與名士王恭高棅爲文酒之社

夏日過石首簡天石老禪

世累日多門馳驅厭塵雜駕言尋招提雙屐蚤已蠟霜餘葉盡飄回首見孤塔入門謁金仙鐘鼓響鏜鏜吾師投迹久終歲一舊衲曾從大方遊已悟世外法深居行無取問語終不答竹影覆經房茶烟繞禪榻天寒日苦短千嶂夕陰合笑別虎溪頭松風起蕭颯

晚春閒思

門巷客來稀閒居靜掩扉微風花自落細雨燕雙飛向曉披遺帙迎暄換袷衣年年此時節惆悵送春歸

列朝詩集

乙集第三

列朝詩集乙集第四

岳閣老正八首

覽馬博士賦一首

郭定襄登七首一首

覽贈定襄鍾七首尚寶武一十三首

沐定邊昂二首

覽子信一首孫麟一首

于少保謙一十三首

陳少保循五首

薛侍郎瑄二十四首

劉忠愍球二首

蕭運副种六首

蕭宮師鉉四首

許侍郎彬二首

魏尚書驥一首

劉閣學定之六首

張汀州寧九首

岳閣老正

正字季方正德十三年進士及第天順元年以左贊善改兼修撰直內閣  
內此降欽州同知謫戍肅州成化初復本官留侍經筵未幾出為興化知  
府三年來朝致仕卒謚文正李東陽賓之其女夫也刻其遺文為類博彙  
十卷賓之嘗曰蒙翁才甚高為文章俯視一世獨不屑為詩云做詩既要

平側又要對偶安得許多工夫其叙類博藁曰公少以經濟自許天下亦以此望之在翰林雖以文顯而非其志故氣節蓋天下功烈震一時而文章著作有餘力焉前輩持論矜慎不妄許可如此

營建紀成詩

天眷美營建也修焉創焉民弗知也

天眷皇明誕命高祖俯監萬方定都江漢如龍斯蟠如虎斯踞以朝以會以享以祀迺歟厥謨欽于世世天眷皇明亦啓文祖爲厥孫謀聿又胥宇碣石之西太行之東有嚴厥宮四海是同維帝卽阼風夜顧謨神旣受職民亦冒祉迺繼迺述乃經乃營載此土工爲萬國宗迺召大臣出任予重曰某爾總曰某爾董役夫總總工師從從鼙鼓謹謹人心惴惴有赫朝堂有翼廟庭瓊瓊公府欵忽偕與土方畊矣女方箴矣曾不驚矣奏功成矣匪臣之功伊民之力匪民之力維帝之德帝曰匪予文祖之志天相文祖爛其營室

天眷六章二章章十句四章章八句

短短牀二首

短短牀太踞促徒能坦郎腹未得展郎足縱郎有意爲行懽牀短安能薦郎宿

太踞促短短牀流蘇苦不長蘭麝無馨香郎欲招妾妾不來可憐春色無輝光

題冬日聚禽圖

陰風吹天天欲裂混沌怕死方愁絕潛將元氣閉重淵化工倔強時偷泄附炎物態本尋常何怪衆禽爭向陽紅毛翠鷺莫指數醉眼僅識雙鴛鴦聲噤不聞鸚鵡語羽搖空見鵲鴒忙白頭髦髦營栖息黃口飛飛恣頡頏高岡梧桐結實未待爾招吾丹鳳凰

題羲之觀鵝圖

洛陽天子身衣青典午橫被清談傾羣公各技新亭淚諸王獨擅江東名王家子弟誰如玉郎君解出東床腹內史由來是散階右軍未必非雌伏鞠花嗅罷倚高秋眼中懷祖齊蟬蛸癡兒翻據台司榻羽觴漫作蘭亭游填膺豪氣弭莫遏時於行草露稜角能雄百代翰墨場龍跳天門虎卧閣白鵝脩頸西復東瀟灑頗與吾意同風情一點當時目至今傳寫畫圖中

燕臺懷古

賢亢陂荒蔓草生廣陽宮廢故城平秋風易水人何在午夜盧溝月自明  
召伯封疆經幾換荆卿事業尚虛名黃金不置高臺上似怪年來士價輕  
夜雨呈同志

雨中燈火夜堂深無限閒愁損客心獻玉不逢經兩別屠龍學得破千金  
生逢鄧禹應相笑老學南陽祇漫吟滿目風塵雙短鬢爲誰蕭索不勝簪  
致仕後戲作

五十年來謝世紛百年勞逸喜平分不應又受先生號去與青山管白雲  
附見馬博士賦

軾字敬瞻嘉定人正統己巳以天文生從征廣東除漏刻博士讀書負經  
濟精占候畫宗郭熙高古有法天順元年岳正忤曹石左遷欽州同知親  
交莫敢餞別敬瞻獨遺詩送之岳和詩見類博稿子愈舉進士亦能詩

奉餞季方先生

灤江江上水悠悠送客江邊莫上樓五嶺瘴高烟蔽日兩孤雲濕雨鳴秋  
豐城劍氣東南起合浦珠光日夜浮祭罷鱸魚歸去晚刺桐花外月如鉤

郭定襄登

登字元登武定侯英諸孫也年七歲能詩文永樂末充勳衛正統七年從王驥征木麓川九年從沐斌征騰衝功皆最土木之難以都督僉事守大同虜擁上皇至城下登俾謝却之景泰元年虜大入力戰破之追奔至栲栳山進封定襄伯上皇復辟謫戍甘肅成化初復爵卒贈侯謚忠武李西涯曰國朝武臣能詩者莫過郭定襄有聯珠集行于世聯珠集者公自錄其詩而先之以其父鉅暨其兄武之作凡二十二卷

題蔣廷暉小景

我家南山中柴門別經久不知今春來新添幾株柳清江閒釣竹鷗鷺還來否對此忽相思長歌獨搔首

自飲

我貌不踰人幸自心不醜清晨對明鏡白髮驚老朽知音苦難遇時事不掛口朝盤堆首宿且飲杯中酒傾陽忽西下不謂沉酣久山童笑相語一醉須一斗邊城麴米貴未審翁知否不惜典衣沽但問誰家有

九日喜家人寄書至秉常相過問慰與之共飲至醉述懷有作斐



然成章

逐客世多違浮生自堪悼塵容絕媚斌福性復昏髦讀書雖不多力學苦  
欲到矜愚何足計見善誠所好多岐詫流俗詭遇日趨造臭味異薰猶方  
圓如枘鑿徒云習靜定無以勝浮躁祇擬聽乎天安能媚于竈青蠅止樊  
棘聽熒遂顛倒白日生風靈喧騰困陵暴危如鬼手奪險若虎尾蹈鯨鯨  
失水蛙螭竟爭噪同聲相倡和挾勢激潢潦枝嫉爾惟辜何恃予敢傲  
龐恩宏照燭散地賜休告去家將萬里病目歎雙眊雖云處困窮安可變  
風操浮生駭而野內省久矣禱避地卽高隱杜門恒却掃村釀夜能賒圍  
蔬雨堪毫中卿極愷悌軟語相慰勞每嗟千里客時以一簞犒優游期卒  
歲辛苦何足道猶叨品祿官未免太倉耗牟君我知已舊學窮閭與辭鋒  
萬人敵筆陣百川導妙手補天媧雄才盪舟舁過從忘爾汝彼此相戀嫪  
看承非玳瑁愛惜比珪琯同官附書至珍重如訓誥唐虞棄瑕玼遠邇均  
覆燾時方夢良弼國已誅大盜老魅竟羞死明靈逾響報轟霆拉苦朽強  
弩穿魯縞朋儕悉竄逐黨與方悔懊賢愚各以類水濕火就燥士生當謹  
修天定終怙冒今晨一尊酒佳節值吹帽情忻同啖蔗志適勝爬癢圭賓

爭誇浪僮僕亦歡譟酣歌時頃足起舞欲持酬賜環應有期歸轅便須膏  
送潘御史克容釋累赴京

才難不其然此歎自千古淳風散已久至道卑若土紛紛事機巧泛泛播  
簣鼓虛名競相尚實踐反遭侮翦剔起病駒梘膏詫鞭賈剖膚藏魚目眊  
耳聞瓦釜悵然思古人太息心獨撫世亦有真儒如何卒難覩繡衣剛直  
士顏色少媚嫵一朝棄道邊薄言逢彼怒咎生本無妄市豈真有虎平生  
金石堅化作青蠅聚巍巍堯舜主燁燁賢良輔玉燭洽羣黎天戈戢騎虜  
微瑕悉前洗片善必收取吹噓布陽春浩蕩除罪罟君才素通變豈肯作  
迂腐方咏宣室詔未是東門祖霜空薦鵬鶚書省耀簪組大看作梁棟小  
亦試遺補行行懋道義與世無斜忤藻德如啖甘食藟不厭苦出莫由斜  
徑斜徑生險阻渴莫飲盜泉盜泉多嘔吐功名垂竹帛富貴何足數作詩  
備忠告送我克容甫

哀征人

天迷離水鳴咽戰馬無聲寶刀折冤鬼悽酸啼夜月青燐焚燐明又滅照  
見征夫戰時血

自公安至雲南辰沅道中謁山王廟

山王廟在山深處鴉烏亂啼烏桕樹神威猙獰怖殺人朱吻長牙眉倒豎  
紅綃抹頭袍袖結手授黃蛇啗其舌短碑不題神姓名燕詞漫書唐歲月  
陰風颯颯吹靈旗夜聞甲馬空中嘶老巫開門馬無跡但見孤鳴鬼嘯鴉  
鵲啼山前居民種木黍歲歲求晴復求雨神靈不靈誰得知老巫分明作  
神語往來行人多再拜爐中無香畏神怪唱歌打鼓燒紙錢蒼鵝白羊朝  
暮賽還把錢餘拋野艸神意歡欣鳥亦飽老巫叮嚀客無慮萬水千山放  
心去

飛蝗

飛蝗蔽空日無色野老田中泪垂血牽衣頓足捕不能大葉全空小枝折  
去年拖欠鬻男女今歲科徵向誰說官曹醉卧聞不聞嘆息回頭望京闕  
送岳季方還京

登高樓望明月明月秋來幾圓缺多情只照綺羅筵莫照天涯遠行客天  
涯行客離家久見月思鄉搔白首年年曾是送行人折盡邊城路傍柳東  
望秦川一鴈飛可憐同住不同歸身留塞北空彈鋏夢繞江南未拂衣君

歸復喜登臺閣風裁稜稜尚如昨但令四海歌昇平我在甘州貧亦樂甘  
州城西黑水流甘州城北胡雲愁玉關人老貂裘敝苦憶平生馬少游

楸子樹

去歲于太監蒙公家移栽此樹當就結實繁衍今年春令已深草木皆  
萌孽而獨此枯瘁略無生意土俗相傳以爲栽樹當歲著化特餘氣耳  
來歲則否必三年而後如故子甚信之偶數日伏枕不出今晨就庭事  
啓牕則花已爛熳比他樹尤盛見者咸以爲異予亦歡然以喜因賦長  
句并識意云

窗前新栽楸子樹去歲移自東君家根深土凍重莫致輓以兩健載一車  
方經旬日卽蓓蕾秋深結子如丹砂人言此特餘氣耳來歲未必能芬葩  
我初聞之稍驚怪重以土俗相傳誇今年春風已撩亂千株萬卉皆萌芽  
南山青翠遠可見獨有此樹猶枯朽我徵前言苦不樂行憐坐惜恒咨嗟  
連朝病困閉門臥夢寐猶憶花如何今晨勿藥強起坐耗焉兩瞳如隔紗  
推窗一見笑絕倒葱葱滿樹開成霞冰綃素錦誰剪刻小紅輕翠相交加  
日光照耀春欲醉翩翩蜂蝶爭紛拏賓朋來觀繞百匝共疑造化理則那

花枝爛熳色更好。詖辭輕易可信耶。豈非陽春有深意。憐我老憊來天涯。  
浮生過半身計拙。有足不及螭。憐蛇故教相伴慰。岑寂豈敢與物爭豪奢。  
六年羈蹙入僧定。但未落髮披袈裟。青裙小鬟別來久。淚眼垢膩首不珈。  
已聞桂蠹化蝴蝶。忍聽鸚鵡呼琵琶。花雖可愛不忍折。無人插向兩髻丫。  
約簾靜坐獨清賞。天明看到日斜知。音未遇寡懽趣有。酒不飲惟烹茶。  
前年官司催入貢。六千里路豈不遐。移根天苑比瓊樹。有用未必過桑麻。  
物生遭遇卽珍貴。便應壓盡諸般花。我慙不如花。命好謫官五載辭京華。  
住迥邊城氣蕭索。旦暮悵悵聞胡笳。自憐淺薄不足忌。羣兒何以喙競呀。  
方圓繫柙苦難入。冠非豸角強觸斜。古人明哲有深戒。省愆痛欲掩戶樞。  
窮荒誰覺雙眼淨。聒耳厭聽公私蛙。再歌南風終不競。天驕吹唇魯婦髻。  
楚胡雜遝近邊鄙。意態詭異聲囂譁。陰霾接旬不成澤。嗟嗟恒欲噬我玃。  
麒麟獅子遠將至。爾曹慎勿相邀遮。駟騎東來蹶山倒。黃口學語聲咿啞。  
群公羅罅但垂手。踐踏不啻重與蝦。人逃馬死金滿筐。一擲何足掛齒牙。  
我雖無位百憂集。終夜感歎心如瘥。廿年踪跡半天下。把鏡自照兩鬢髮。  
老懷食蔗如食蠍。豈但無味仍餅查。行路難行古如此。道多豺狼水鱷鱓。

紛紛兒女競聲利左蠶右觸方爭蝸金鷄何日解羈去一竿歸釣吳江槎  
箕山潁水跡長往漁簑樵檐有相差開看得意鼠如虎怕說病鴟蟻問庠  
黃鷄紫蟹且慰意背痒正得麻姑爬羞將口腹累州里未能不食如匏瓜  
猶勝夷齊待薇蕨園收芋栗兼梨楂老農追隨種禾黍偶耕綠下荷燒畬  
心淳語直意真率肝胆相照無疵瑕瑤臺璇室豈不好嘯嘯茲此猶爭些  
囊中黃金尚餘幾壺乾酒盡還當餘頽然一醉玉山倒世間萬事皆由他

泉

南山萬古雪六月地上水崢嶸况當嚴冬氣尤冽萬物僵立不識死與生  
陽鳥戢其羽顏色慘淡無光晶朝朝畏寒不敢出欲挽海水添長更璚裘  
蒙茸縮如蝟風沙斷盡行人行老烏平時最饒舌攢毛縮頸饒無聲鴟鴞  
獨何形無乃金鐵鑄使成白日在何處每到夜黑來飛鳴有時呼嘯聲愈  
厲召號怪鬼徵邪精鳳凰凍欲死志意無由平梟鹵不可治怒懷空膨脝  
南村媼婦貧且苦夫死未葬兒東征伏雌五雛初解殼畏寒就暖聲唧唧  
土房穿漏窗戶破梟竟突入鷄啼驚雛死腦盡裂雌僝不能爭縮時睡飽  
甌欲起視夜無油燈乞隣把火照昏黑梟止未去勢欲相欺陵口吻尚流

血兩目光駿贈嬌髮豎股慄返走撲地魂飛騰有夫攘臂挾弓矢弗斬此  
梟何以徵入門無所見但聞狐鳴鬼嘯寒氣颯颯如凝冰婦悲呼天涕垂  
膺卵此惡物當誰憎戟手訴社公媿汝威稜稜雖云土木偶想亦欽名稱  
人皆祀汝作土主安然坐視反不如梟能社公顏忸怩渥若朝霞烝據案  
呼吏兵卑官亦靈承廟食于此方乃被婦詬吾奚勝便須封阜囊騎雲款  
天庭叩階瀝血天其矜不以梟傑死吾道何由弘天門九重高且邃守以  
夜叉威吳屨掘衣趨蹌蕭鳴珮以手奉扃心顫悸大闇倚棖方假寐睜目  
視之訶且詈汝官何曹直亟臂清都森嚴可輕易社公前致辭大闇已知  
意昂鎬尚有耳投鼠須忌器梟爲天驕子美惡各以類羽中豈無靈與瑞  
不及梟姿工斌媚乘昏伺暗察幽隱附耳連眉方倚比汝不知忌諱胡不  
膠唇結舌亦足以自異彼喙若呀非汝利社公頻頭前此言得無愆天道  
本至公如何有憎憐苟不較曲直何由辯姦妍以彼醜惡形乃竊造化權  
常聞上古時宰物無頗偏禍淫與福善今豈不其然地行蒼生何啻千萬  
億煩冤疾痛孰不號旻天混沌苟未鑿何用呼吸百里晝夜東西旋大闇  
笑絕倒以掌拍其肩小儒強解事來悟磨堯堅汝胡不聞天地同一物不

過一十二萬九千六百年氣機消長豈常好清淳澆濁各各隨時遷天人不同道此理可忘言語既復歎悔叮嚀極密勿妄宜社公涕漣如頰首但長吁載拜謝不敏攬轡回其車錫鑾風冷冷墜地不須更亟往告彼媚夜降桑林巫臬雖不勝誅誰敢訐其辜朋儕相構煽勢與天爲徒母腦尚忍啄何有于朱朱素玲抱深媿予亦思乘桴嗟爾門單戶弱形羈孤從今慎勿與臬敵但須夜夜牢護鷄巢雛

西屯女

西屯女兒年十八六幅紅裙脚不襪面上脂鉛隨手抹曰合山丹滿頭插見客含羞嬌不語走入柴門掩門處隔牆却問官何來阿爺便歸官且住解鞍繫馬堂前樹我向廚中泡茶去

過安南衛

絕頂見孤城征驂向曉行鳥啼多異響花發不知名石澗閑雲確山田趁火畔愁聞耆老說三月未曾晴

過西樵賈氏隱居

何處覓幽棲西樵更向西梨花千樹雪茅屋數聲鷄澗水穿林入春雲壓



雨低仙源知近遠應使世人迷

自騰衝歸三月十五日夜至金齒

鄉思今春晚到邊花又飛嶺雲衝馬散山月照人歸遠戍寒吹角孤城夜掩扉功名是何物猶未解征衣

塗中偶成

說着滇陽似上天危橋孤嶺萬千高低石路偏嫌雨遠近林巒半是烟野樹向冬多不落居民經瘴少能全頻年有夢曾過此今日南來不偶然

普安道中

竹暗藤荒路欲迷一重山度一重溪枯槎偃蹇如人立蠻語侏僂似鳥啼花底雨晴飛蛺蝶水邊冬暖見虹霓應風味堪題處三寸黃柑壓樹低

梅花鋪

綠樹冬深不怕霜恁來風上說南方人經蠻寨愁蛇蠍客聚盤江赴虎場羣黛插雲山似戟潢流蒸氣水如湯王師到處霑恩澤甘雨隨車洗瘴鄉

早發洱海

長風掃影動旌旗雙引鳴笳馬上吹官吏望塵迎使節壺觴隨路候王師

五營霜雪陳兵甲千里雷霆鼓鼙笑倚肩興揮白羽誓將威武定邊夷

賦素軒沐公家牡丹一首和楊彥謚韻

淺紅深碧画難分左紫姚黃未足云五色應將靈藥染三生曾用妙香熏  
枝頭直訝粧成錦夢裏還疑化作雲不與群芳競開落任教蜂蝶自紛紛

永昌書事寄京中諸友

畧說南方試靜聽侏僂風俗盡堪驚花間蛩語春風暖樹上蛙鳴夜雨晴  
孤嶺忽從天外出瘴雲時向水邊生妖姬粧罷迎人笑古帽長衫畫不成  
自緬甸回感懷寄沐征南

毒霧昏昏水拍天孤帆風雨瘴江邊鯨波去日渾如夢虎穴歸來始自憐  
終夜眼穿看斗柄幾人身已試蛟涎滇陽萬里渾驚訝又隔滇陽路五千  
浦牙山

險障南來獨浦牙天分夷獠與中華萬盤山繞一絲路百丈峰開千葉花  
毒霧障烟相映靄鳥聲人語共咿呀停驂每勞征南士莫聽啼猿苦憶家  
竹軒爲阮公振賦

清嘯寥寥久不聞更開三徑避羣氛白頭自擬存高節青眼相看獨此君

當戶碧雲晴景曩隔簾蒼雪晝紛紛如今林下閒人少每坐無言到日曛

孟撒軍中新春

遠贊元戎掃麓川異鄉今日又新年青陽令轉東風裏黃道春回北斗邊  
擾擾兵戈猶選將珊珊環珮想朝天願摠忠赤勤功業散作甘霖洗瘴烟

又過鎮南州

萬里狼烟去復迴征衫風露黯黃埃一年寒食梨花近二月春晴燕子來  
綠水亭前羅帶繞碧山窗外畫屏開經過每愛絃歌宰驥足終非百里才

又過趙州

芳艸茸茸已滿坡山城春半又經過輕寒簾外燕來少細雨庭前花謝多  
壯志每思探虎穴驚心猶想涉鯨波征衣暫解風霜色閒對斜陽和凱歌

遊太華寺和素軒沐公春日韻

鷺渚鷗波接遠天落花飛絮滿平川春歸客夢偏驚雨寒食僧家不禁烟  
澗底泉聲消永日堦前艸色換流年何由近向東林住常得尋師水石邊

贈才師用素軒沐公韻

蒲團草席任梳年坐斷三生石上緣空果空花非有相閒風閒月本無禪

山瓶水冷龍藏雨，石鼎茶香鶴避烟。聞說聲塵悉清淨，不將雙耳聽鳴泉。

寓滇陽寄京中友人

霜重梧桐葉漸飛，淺黃欺綠上荷衣。鱸肥江上秋將晚，酒熟山中客未歸。  
鄉夢夜長鷄唱早，故人書遠鴈來稀。黃花兩負東籬約，空對西風賦式微。

入緬取賊早發金沙江

征帆如箭鼓聲齊，舟渡金沙更向西。石棧夜添蠻雨滑，曉江晴壓瘴雲低。  
水邊鳥鬼迎人起，竹裏青猿望客啼。又隔滇陽幾千里，桐華榕葉晚凄凄。

經舊戰場

一夜西風捲漢旌，連營兵甲散如星。孤臣獨抱終天痛，諸將難逃誤國刑。  
自恨中原無猛士，誰知高廟有神靈。黃河白骨斜陽裏，衰草連天戰血腥。

暮春登大同西北城樓同仰寺丞瞻潘御史洪賦

滿地花飛春已闌，溪風山雨更生寒。浮雲蔽日終難散，腐柱擎天恐未安。  
西北兵戈猶擾攘，東南民庶半凋殘。先朝遺老慙無補，獨對西風把泪彈。

偶成寄彦謚

三歲春風客未歸，遶城無事暫幽栖。朱櫻映日枝頭滿，翠荇牽風水面齊。

老樹藏鴉添嫩葉  
舊巢歸燕補新泥  
閑來漸有漁樵興  
更欲移居向瀼西

西巡出境寒甚時五月廿七也

一帶關河向北流  
黃雲衰草不勝秋  
征人更有思鄉夢  
羌笛休吹出塞愁  
嚴整甲兵陳虎旅  
靜聽金鼓擁貂裘  
臨風却憶江南客  
執扇輕紗笑倚樓

軍回

兩行旌旆引鳴笳  
萬騎宵嚴不敢譁  
隔岸水聲衝石響  
單山雲脚受風斜  
孤村月落時聞犬  
古塞春殘不見華  
歸騎莫嫌征路滑  
涼風吹雨洒塵沙

舟至高郵風氣尚暖

北地風高水欲冰  
南方秋晚尚餘蒸  
漁家香飯聞炊芡  
溪女纖歌識採菱  
鴛渚檣搖歸夢客  
柳汀舟渡夕陽僧  
故鄉多少尊鱸興  
三十年來愧未能

渡江

北客南歸感壯懷  
吳歌幽怨櫓聲哀  
秋深楊柳經霜落  
江淨芙蓉似晚開  
沙鳥亂啼山月上  
棹郎清嘯水風來  
故園佳麗何年別  
老去渾無作賦才

秋日至城南草堂

渡水登山到草堂  
田家香稻喜新嘗  
塍邊薜荔秋多雨  
池上芙蓉夜有霜

看竹每尋扶老杖 借書先錄養生方  
白頭自笑歸來客 況復江南是故鄉

和許太常道中家園成趣軒韻

君家三徑幾時開 千箇長松繞屋栽  
把釣每從溪上去 題詩還傍竹間來  
夢關石枕月相對 花落柴關風自推  
有約頻過尋賀老 莫教空棹酒船回

送牟秉常往甘州

誰折梅花寄隴頭 夕陽低處是甘州  
秦關蜀道還家夢 白草黃雲出塞愁  
江上秋生張翰棹 月中人倚仲宣樓  
壯懷且賦從軍樂 定遠曾封萬里侯

保定途中偶成

白壁何從摘舊瑕 纔開羅網向天涯  
寒窗兒女燈前淚 客路風霜夢裏家  
豈有酖人羊叔子 可憐憂國賈長沙  
獨醒空和騷人咏 滿耳斜陽噪晚鴉

甘州卽事

黑河如帶向西來 河上邊城自漢開  
山近四時常見雪 地寒終歲不聞雷  
牦牛互市番氓出 宛馬臨關漢使回  
東望玉京將萬里 雲霄何處是蓬萊

送季方歸感事有作石生怒季方欲殺之憤云必置汝於天盡處

死而後已石氏伏誅季方乃得釋老魅有知含羞地下矣

轉日回天勢可窺舊游今昔事皆非祗應樽里偏多智每歎林宗最見幾  
金谷秋深荒草合玉關春早遠人歸五湖烟水孤舟穩吟倚蓬牕送落暉  
送岳季方承命釋累回京

蚤登黃閣贊經綸欲報君恩敢愛身青海四年羈旅客白頭雙淚倚門親  
鳴璫又喜趨仙仗補袞還思用舊臣謾道歸來心便了天涯多少未歸人  
過回中謁王母宮

水光山色晃簾櫳玉殿高居阿母宮青鳥未歸空夜月碧桃初綻又春風  
冷灤不救相如渴校僉猶思曼倩工便欲尋仙還自笑茂陵衰草夕陽中  
客中春晚

遠塞書難寄空庭花自開舊巢雙燕子今歲不曾來

春日游山偶成

林下扶藤杖溪邊整葛巾春風莫相妬不是折花人

送人回京

泰山秋色隴山雲爲客那堪復送君八月胡天寒氣早數聲羌笛雪紛紛

口號寄涇州守李宏

渡了黃河又黑河。春風秋月五年過。涇陽太守如相問。更比來時白髮多。

至高郵逢邢勉仁

客中相見倍相親。白酒黃鷄莫笑貧。君住淮南我淮北。如何不是故鄉人。

送人回京

迎得君來復送君。櫻桃花發又經春。誰知萬里南征客。却向瀕陽作主人。

雜詠

甘州客寓於繡衣。牟乘常處得前人。咏物吟四百餘篇。惜其格調卑弱。辭意淺俗。不足以狀物之情。遂因題爲之賦。自念涵養未至。美刺之間。不免黑白太著。甚失詩人忠厚之意。暇日檢拾遺忘。爲之一笑。悉欲棄去。其間有如雞肋。可惜者。因存之。得百廿五篇云。今錄二十首。

瓶笙

大杓纔添小器盈。啾啾唧唧似吹笙。兒童側耳山翁笑。一任教他水火爭。

箏

謝傳勛勞未可輕。縱容談笑却秦兵。君王何事生疑阻。慙媿桓伊爲撫箏。

棋



怕死貪生錯認真運籌多少費精神看來總是爭閑氣笑殺傍觀袖手人

天梓

體物何曾有重輕相君因爾號阿衡誰多誰少皆公論纔有些兒便不平

筆

綰蚓塗鴉不自嫌却將毫末強掀擣中書老矣真無用猶向人前要出尖

硯

形模麓野已堪羞況復驚頑滑似油常笑石鄉才不逮有何功業便封侯

湯婆

老去徐娘尚可娛溫柔鄉里錦纏綿春來漸覺君心改欲廠沙厨婢竹奴

破扇

月中誰畫乘鸞女紫竹銀絲換紫羅未到秋來能破碎從前應是受風多

騏驎

萬里龍沙百戰歸輕塵不動四蹄飛可憐汗血常消瘦不及驚駘似瓠肥

蠅

眇形纔脫糞中胎鼓翅播頭可惡哉苦不自量何種類玉墻金殿也飛來

蠹魚

瑣瑣如何也賦形雖無鱗鬣有魚名元來全不知文意乾向書中度一生

螢

腐朽如何不自量化形飛起便悠揚臍間只有些兒火月下星前少放光

蜂

藹藹華華競採花蜜房收課作生涯知他有甚經綸處也向潮時報兩衙

梅子

饒心纔說齒生津風味雖嚴恐未醇莫倚調羹全待汝世間還有皺眉人

金鳳

鳳德可憐衰已久梧桐枯槁竹槎朽自從雲黯蒼梧野化作人間小草花

神靈

乞福禳灾許幾千分明報應不曾偏神靈應是嫌銅臭只問人間要紙錢

塔頂

塔頂新晴獨自登畫欄高倚十三層不知眼界高多少地上行人似凍蠅

恨他

口似砂糖膝似綿煦煦惟是乞人憐恨他不得長生術只在人間過百年

土牛

刻木團泥作禍胎驅牽不動蠢形骸須臾盡粉渠休恨教汝偷寒送暖來

雙陸

一笑承恩便賜緋論他當局却全非平生學得檀公術打馬沿邊走似飛

附見贈定襄鈺

郭鈺字景南營國第八子定襄之父也年十三作閔農詩大旱爲霖賦傳播都下太祖召見敷對詳明極眷愛之與李曹公景隆王駙馬寧倡和爲詩方孝孺尤器重其人贈定襄伯

陶淵明

淵明宰彭澤月請米五斗折腰鄉里兒浮名真可醜鳳凰不啄粟豈肯同雞口悠然見南山竟擲懷中綬籬邊幾叢菊門外五枝柳不負頭上巾且盡杯中酒

龐公

龐公雖兩足何曾到城府躬耕南畝中農作甘自苦皇虞世已遠至道卑

若土君看天柱折非是不可補遺安有深誨百世激貪厲

對雨有懷方內翰

小齋頗幽僻窗扉亦宏敞新槐簷上綠細草堦下長輕紈散煩滯單葛生  
清爽寂無人事喧但愛雨聲響涼颼動蕭瑟薄靄生莽蒼悠然發孤咏咲  
歌自鼓掌緬思同心人吟懷共清賞

期胡祭酒不至

空齋坐日夕有懷期不來庭樹葉頻下開門風自開朱絲靜逸響綠蟻浮  
深盃幽思益填積悵然難獨裁

夜坐

庭虛初月上樹響微風入栖鵲聽猶驚流螢墮還拾沉沉寒漏滴隱隱餘  
鍾急坐久不知疲涼衣露吹濕

晚坐

宴坐庭樹夕悠然愜清賞月生微影橫風入繁枝響啾啾歸鳥集隱隱疎  
星上倏爾朝復昏流光遞來往

題盛懋書

遠島映微紅疎林帶寒綠石上一柴關溪邊兩茅屋輕風花落地細雨雲  
歸谷側耳試閑聽疑聞紫芝曲

附見郭尚宝武

郭武字吳隆鉅之長子定襄其同母弟也甫總角 仁宗召試以詩援筆  
立就稱旨力學不倦以古人自期官至尚寶司丞

乞巧詞

明河拖天玉繩遠新月搗雲銀甲淺丁東細漏滴金荷百子樓前桂花滿  
三三五五試新粧鶴扇如霜羅帶長雲母屏前齊下拜綃綃帳底共焚香  
焚香爭乞天孫巧穿斷蛛絲繡針小菱裏傳來是有無入門巧已知多少  
織女牽牛別有情螢飛鵲度兩難憑芙蓉舞困西風薄楊柳垂低北斗橫  
烏夜啼

金井梧桐霜葉飛寒烏啞啞中夜啼蘭闌少婦停燈宿夢見征人塞上歸  
相思未訴烏驚起千結柔腸碧窗裏照絃羞澁掩瑤琴線斷紅珠泪如洗  
啼啞啞聲不住牽轆轤還烏去

閨中曲

寒衣剪就金刀冷雲母屏空對孤影心知非底墜銀瓶猶把輶轡牽斷綆  
寄句曲山中隱者

康樂平生愛山水移家直入烟霞裡一窺塵網便深藏兩以鶴書徵不起  
頭戴皮冠手扶策蒼蒼滿面風霜色世人欲見恐難尋樵客相逢多不識  
賣藥脩琴還到城暫來條上誰將迎伯陽已信皆糟粕季子何勞問姓名  
予亦曾知君隱處風泉翠滴琅玕樹不待長鬚更致書明朝載酒聽鶯去  
晚渡白馬湖

輕風小寒吹浪花新柳茸茸啼乳鴉平湖一望幾千頃遠水連天飛落霞  
斜陽忽墮澄波底白鳥猶明山色裏嚴更何處鼓繁繁擢歌未斷漁燈起  
夜泊湘陵縣逢袁公禮成貴州

青山如龍渡江去江上波濤濕烟樹三湘七澤枉帆過水綠蘋香是何處  
清波渺渺愁予心寒猿故故啼楓林誰將橫笛叫清夜一曲武夷深復深  
憐君遠戍烏蠻客把酒燈前話離別相逢何必舊相知惆悵回船江月白  
舞困圖

內園羯鼓催春風回環轉珮聲丁東銀籠高焚百枝火滿樹梧桐明月中

芙蓉舞困霓裳薄。重疊春寒護。簾幕伊州初換錦屏空。十二峰頭楚雲落。  
葡萄消渴櫻桃小。一騎紅塵報。春曉荔枝風味不禁酸。分與窗前雪衣鳥。  
回首漁陽促戰鞍。秋風秋雨滿秦關。誰知按盡梨園譜。都是當時蜀道難。  
寄劉草窗原博

空堂獨坐葉紛紛。一雁南飛不可聞。野色連天迷遠望。高城落日亂寒雲。  
故人眼底無多在。客思秋來又幾分。莫怪臨風倍惆悵。江鄉猶憶白鷗群。  
江南懷古

隔斷中原數百年。囊沙堪笑况投鞭。桓温不合留王猛。安石終能舉謝玄。  
日落暮雲斜度鳥。雪消春水遠連天。子山空有江南賦。北府悽涼最可憐。  
宿澧陽

蘋花風急水茫茫。今夜孤舟宿澧陽。誰在江城吹畫角。五更殘月一天霜。  
秋夜懷句曲山隱者

清霜木葉空。塔滿靜夜鍾聲獨坐聞。遙想山中人。未宿自拈香炷禮秋雲。  
江上卽事二首

潮迴沙岸漸濶。雲淨山峰更高。扶杖僧歸古寺。抱琴客度危橋。

綠水橋邊酒店白鷗沙上漁家山前山後春雨江北江南落花

附見 牟御史倫

倫字秉常叙州青城人永樂乙未科進士任監察御史以直諫謫戍甘肅

留別京師諸友

行行策馬出皇畿古木霜寒獨鳥飛天上故人青眼在蜀中諸弟素書稀  
秋風故隴雲連棧夜月胡笳露滿衣白髮蕭蕭身萬里不知別後竟何依

沐定邊歸 子信孫璘附見

昂字景顯黔寧昭靖王之子定遠忠敬王之弟以左都督鎮守雲南正統  
間討平麓川寇任思發卒贈定邊伯謚武襄所著有素軒集嘗輯國初名  
士官于滇南及謫戍之詩爲滄海遺珠集

和遠先生聞砧韻

秋高萬水脫林塢與子庭前開綠醕忽聞別院動砧聲西風吹斷蕭蕭雨  
隔听人家紅樹稀辭巢燕子故飛飛酒酣自起爲君舞正愛涼颼吹我衣

送胡橙軒還永昌

有客乘驂過洱西平原春草正萋萋人烟迢遞連金齒山勢逶迤拱碧雞



流水小橋楊柳綠落花微雨鷓鴣啼遙知別後相思處雲樹蒼茫夢欲迷  
附見僖字可怡昂之子初授南京錦衣千戶贈都督同知

和郊居韻

山勢青連野川光白映沙東風遙見草小雨半開花門送携琴客橋通賣  
酒家徜徉遊物外隨意樂年華

附見

璘字廷章僖之子以都督同知鎮守雲南有繼軒集

題所画風雨漁舟圖

寒雲翳層空暝色生平楚商吹振林巒驚濤滿洲渚漁翁何處歸孤蓑立  
烟雨

送人

花柳正芬芳天涯去路長陌塵輕作霧澗草細生香舟楫通巫峽山河拱  
建康南遊嗟我久送爾倍思鄉

于少保謙

謙字廷益錢塘人永樂十九年進士宣德初授山西道御史越五年超行  
在兵部右侍郎巡撫梁晉歷十八年還部已巳北狩拜兵部尚書歷陞少

保裕陵復辟死西市 茂陵念其忠賜謚肅愍事具國史公少英異過  
目成誦文如雲行水湧詩頃刻千言格調不甚高而奕奕俊爽田叔禾西  
湖志餘摘其七言今體如香熟雕盤籠睡鴨燈輝青瑣散栖鴉紫塞北連  
沙漠去黃河西繞郡城流風穿疎牖銀燈暗月轉高城玉漏遲天外冥鴻  
何縹緲雪中孤鶴太淒清醉來掃地卧花影閒處倚窗看藥方渭水西風  
吹鶴髮嚴灘孤月伴羊裘野花偏向愁中發池草多從夢裏生皆佳句也  
惜不能全篇耳

古意

妾顏如花命如葉嫁得良人傷遠別別來獨自守空閨夜夜焚香拜明月  
月缺重圓會有期人生何得又別離願將身托蟾蜍影照見良人不寐時

採蓮曲

朝採蓮暮採蓮蓮花艷冶蓮葉鮮花好容顏不常好葉似羅裙怨秋早秋  
風浩蕩吹碧波綠怨紅愁將奈何年年采蓮遲顏色采得蓮花竟何益蓮  
花雖好却無情夫婿有情常作客萬里關河歸未得爭如池上錦鴛鴦雙  
去雙來到頭白采蓮復采蓮采蓮還可憐願比蓮花與蓮葉不論生死根

相連

落花吟

昨日花開樹頭紅，今日花落樹頭空。花開花落尋常事，未必皆因一夜風。  
人生行樂須少年，老去看花亦可憐。典衣沽酒花前飲，醉掃落花鋪地眠。  
風吹花落依芳草，翠點胭脂顏色好。韶光有限蝶空忙，歲月無情人自老。  
眼看春盡爲花愁，可惜朱顏變白頭。莫遣花飛江上去，殘紅易逐水東流。

題盡

江村昨夜西風起，木葉蕭蕭墮江水。水邊蘋蓼正開花，粧點秋容盡圖理。  
小舟一葉弄滄浪，釣得鱸魚酒正香。醉後狂歌驚宿鴈，蘆花兩岸月蒼蒼。

秋閨

深閨夜勝年，刀尺如冰冷。縫紉不成眠，輓轡響金井。

惜春

無計留春住，從教去復來。明年花更好，只是老相催。

春晚

晝靜暖風微，簾垂客到稀。畫梁雙燕子，不敢傍人飛。

春日登樓

柳條如翠線萬縷織春愁遮斷東風路無緣入畫樓

暮春小雨

霏霏小雨不沾衣細逐斜風密又稀好濕香塵粘柳絮莫教零落送春歸

夏日憶西湖

湧金門外柳如烟西子湖頭水拍天玉腕羅裙雙蕩槳鴛鴦飛近採蓮船

擬吳儂曲三首

憶郎直憶到如今誰料恩深怨亦深刻木爲雞啼不得元來有口却無心  
憶郎憶得骨如柴夜夜望郎郎不來乍吃黃連心自苦花板麻住口難開  
儂在西邊郎在東深堂宅院幾重重浮麥磨來難見麵厚紙糊窗不透風

陳少保循

循字德遵泰和人永樂乙未狀元授行在翰林修撰正統十年以翰林學士直內閣景泰中歷升尚書少保兼華蓋殿大學士復辟後謫戍鐵嶺有東行集句十首天順五年議進皇朝中興四朝神功聖德頌四章詩二十首得放還明年卒于家

過徐州迴鑾處

偶得迴鑾處遙因想翠華彩雲飛顰蹙跡印汀沙曉日彭城地春風楊柳花獨慚隨使節重此泛仙槎

沛縣

漢祖歌風處荒臺宿草迷野雲連碣北溪雨過豐西人自殊方至書因去客題鵠原千里隔落筆數行啼

開平

襟河河北開平府云是前朝故上都萬瓦當年供避暑孤城此日事防胡龍岡夜照烏桓日鳳輦時巡敕勒區何處登臨最愁寂李陵臺上望平蕪

山城月夜自和東行集句韻

蟾光如水浸清秋防塞將軍在戍樓千里無塵烽火寂夜深猶起看旄頭

薛侍郎瑄

瑄字德溫河津人永樂十九年進士擢御史歷大理寺少卿時人呼爲薛夫子忤王振下獄將殺之振老奴伏竈下抱薪而泣人問之曰聞欲殺薛夫子故泣耳振心動乃免天順初以禮部侍郎兼學士入內閣未幾引疾致

任卒謚文清從祀孔子廟庭公正學大儒不事著述一掃訓詁語錄之習  
顧自喜爲詩所至觀風覽古多所題詠河汾詩集多至千餘篇而今體諸  
詩尤夥余所錄五言古體爲多

擬古二首

白雲在高丘綠蘿在深谷中有冥棲士雲蘿蔽茅屋獨抱尚友情緬遂碩  
人軸古琴時復彈古書還更讀逍遙無外事俯仰長自足沮溺耕在野姜  
叟釣渭曲伊人豈無心恥銜荆山玉將須鳳來儀朝陽滿梧竹  
庭樹微飄落涼氣始披拂却憶少年時泛舟湖湘曲秋風起波瀾寒霜下  
林麓日出江上楓霧隱楚岸竹蘭茝亦蕭條芰荷不秋馥靈均舊遊處騷  
思方滿目忽忽三十年涼意復相觸九歌有遺辭得意在雲谷

秋思二首

秋來何所思所思在遠道洞庭木葉霜楚澤芙蓉老欲濟懷方舟風波殊  
浩浩寄言雙白鶴爾來苦不早

登高望滄海長風歛來過九鰲互低昂三山巒嵯峨綽約衆仙子飄飄戲  
其阿手把珊瑚枝笑拂扶桑柯我欲往從之道遠百怪多安得騎鴻鵠乘

風越洪波舉鞭逐蛟虺仗劍驅龍鼉永與衆仙會遨遊養天和

龍陽山行遇雨

歲晚山行深山中水重疊叢篁夾溪橋橋斷橫槎接陰雨竟連朝雲林黯  
一色虛風忽冷然蕭蕭墜黃葉撫景復何爲內顧遠遊客

泊舟貽溪宿陽樓山下

窈窕入清溪側逕何紆曲魚梁截奔流雪瀨漱寒玉空翠濕人衣霧雨滿  
新竹路窮上野航前登得平陸日暮烟火迷似向桃源宿

平沙落鴈

霜清秋水落風過人迹平飛飛隨陽鳥相呼下寒汀向夕聚儔侶月映蘆  
花明

烟寺晚鐘

夕照下山門清音出烟霧暝壑一僧還側佇尋歸路月上楚天寬露落洞  
庭樹

瀟湘夜雨

雨岬叢篁濕一夕波浪生孤燈蓬底宿江雨蓬背鳴南來北往客同聽不

同情

江村暮雪

落落漁樵家蒼蒼起烟霧  
所滑移釣舟沙平失歸路  
似有凌波人盈盈月中去

漁村落照

釣艇收晚緝歸鵝集疎柳  
天風吹彩霞明月映江口  
孤村一笛橫萬慮復何有

渡雙溪

雙溪始合流唯緒遂經復  
洄潭一鏡平秋影空寒林  
野渡得孤航山家帶喬木  
適意方自茲前呵戒僮僕  
撫景重悠然誰能和斯曲

湘江舟中

湛湛湘水綠夾岸叢篁多  
挽舟逆水上南風起微波  
嘉此晴霄景逍遙翫江沱  
沙渚曠緬邈雲岫紛嵯峨  
遠目爲舒暢客意將如何  
濯纓吾所愛聊爲扣舷歌

遊君山寺



爲愛湖中山遂尋山下路躋攀轉出邃澗谷亦回石磴足莓苔青林雜  
烟霧前行如有窮嵐嶺乍分布招提壓重湖千里周一顧孤峰四無根形  
氣自依附山僧復導我窈窕更徐步疎籬野蔓懸老圃寒泉注逕轉山房  
深重與絕境遇白雲簷外生清風竹間度庭花雜無名歲晏色猶故澄心  
得妙觀忘言契良晤愛此林壑清遂薄塵俗務重來待何時尚子畢嫁娶

洞庭遇雨

孤舟行何遲歲晚洞庭雨跳波亂明珠隨風颭細縷去霧失君山波浪連  
吳楚莫唱斑竹枝別思滿南浦

過鹿門山

西來漢水浸山根舟人云此是鹿門峭壁蒼蒼石色古曲逕杳杳藤蘿昏  
亂峰幽谷不知數底是龐公栖隱處含情一笑江風清雙櫓急搖下灘去

武口守風

連日北風疾江濤拍岸鳴天垂平野月浪颭近船湖與嶺心濶秋同客  
思清不眠聽鼓角高枕念工程

武陵曉泛

今朝風日好來泛武陵溪碧水寒依岸蒼林遠護堤沙光搖野馬人語散  
鳬鷺二月桃花發還應處處迷

衆陽懷古

蕭蕭涼吹動秋空千古河山一望中廣武連營秋草碧鴻溝分壤夕陽紅  
石麟有甲含蒼蘚鐵馬無聲散曉風何限英豪俱泯滅白雲依舊出層峰

沅州雜詩

辰沅風壤帶三苗一望乾坤納納遙翼軫衆星朝北極岷嶓諸嶺導南條  
天隣巫峽常多雨江過潯陽始有潮近日詩懷殊浩渺設將新句寫芭蕉  
戲題紅白二梅花落

簷外雙梅樹庭前昨夜風新英兼舊蕊墜粉間飄紅已見苔成錦方疑色  
是空粧娥初點額舞女欲迷蹤雨重臙脂濕泥香瑞雪融不知何處笛併  
起一聲中

李于鱗詩刪截前後二韵作絕句亦佳

夏日出文明門

文明門外柳陰陰百囀黃鸝送好音行過御溝回望處鳳凰樓閣五雲深  
新鄭學宮夜宿

清飈撼撼響林柯夜宿秋堂冷簾波睡醒不禁鄉思切滿庭明月候重多  
輦洛道中

嵩高雲氣晚嗟峨清洛西風咽急波水色山光渾似舊漢家陵墓夕陽多  
劉忠愍球

球字求樂更字廷振安福人永樂十九年進士除禮部主事宣宗實錄  
成改翰林侍講正統八年應詔陳言忤王振矯旨就朝粹繫詔獄斧礮交  
下糜爛而死布衣成器設位龍泉山巔爲詩文祭而哭之人名爲祭忠臺  
古意

彗星並圓月輝映瑤臺樹麗日隱重雲光天遂成暮室暖蘭無香庭秋桂  
方蠹長門及翠羽寂寞無人賦落花虛度春細草偏承露玉飭空自啼金  
蓮復誰步悽然感我懷零淚知何故

山居

水抱孤村遠山通一徑斜不知深樹裡還住幾人家

蕭運副

神字鵬舉泰和人洪武中以賢良應制賦指佞草詩云祇今聖代多賢輔

盡日皆前翠色閒稱旨授蘇州府同知歷山東副使少孤好學從遊于  
劉子高得其詩法宋景濂劉仲脩皆亟稱之烏道曰余游豫章會蕭鵬  
舉于逆旅聽其誦所爲詩皆清新典麗問其師曰劉職方子高也楊萬里  
稱其少孤好學居官清直隨起隨仆公暇卽閉戶讀書哦詩有集若干卷  
宿道德壇東白水道人

明月不可得孤燈還近人祇緣懷久別轉覺坐相親露下松壇夜雲歸石  
洞春所忻心跡靜笑語見情真

奉呈子高劉先生

剪燭臨清夜開軒對白雲眠遲詩共賦歌罷酒初醺風起松聲近溪迴野  
色分別來愁思滿南雁正紛紛

余自流江將歸南溪劉先生亦還珠林賦別伯昂諸爰

白紵明春雪清尊注晚霞客行天共遠人醉月初圓武岫神仙宅珠林處  
士家東歸三十里好爲寄梅花

雨寒憶舍弟

已過清明節仍餘料峭寒風聲生樹底雨氣滿林端堤草青猶短山花濕

未乾季方千里隔誰念客衣單

奉柬蕭子充

幾年結屋向溪橋此日飛書肯見招池上看鵝朝洗硯月中騎鳳夜吹簫  
滿林西日迷花樹近水南風亂柳條先與題詩寄離思青山回首故岩峩  
寄吳所與

南溪流水北溪雲無限新愁總憶君鴻鴈啼時天杳杳鵲啼處雨紛紛  
郎官湖口江流合武姥峰頭樹色分相去只緣三十里此生何事苦離羣

蕭宮師鎡

鎡字孟勒泰和人神之子也宣德二年進士入翰林景泰三年以祭酒學  
士入直內閣加太子少師戶部尚書景帝立儲鎡曰無易樹子因天變陳  
言甚切天順元年爲民成化初召用先卒復其官

題山水圖

青山何岩巖下有嘉樹林高亭晝間敞窗戶含層陰前村夜來雨石瀨張  
素琴好鳥鳴簷間始知春意深迥無外物累嘿處化冲襟對此案上書悠  
悠千載心安得謝塵羈扁舟諧遠尋

身已與世違超然景方寂嘉樹敷層陰芳苔間行跡飛淙如練懸斷崖若  
天闕亭亭山上雲齒齒溪中石豈無同心人高談共晨夕簪虛嵐濕衣牕  
迥風生席雅趣良足耽營營竟何益

樂隱爲尹克俊賦

行愛溪中水坐愛溪上山富貴非所願悠然心自閑地偏輪鞅稀蓬門蒼  
常閑清風天外來入我窗牖間豈無一尊酒可以銷憂顏葉落驚秋徂鳥  
啼知春還既忘是與非寧復虞險艱雅志固如此高踪安可攀

題九鷺圖

爲內府傳制賦此數取九者象乾元也

宣德年間邊景昭彩色翎毛稱獨步近時林良用水墨落筆往往皆天趣  
鴛鴦鳬雁清溪流寒鴉古木長林幽等閑得意卽揮洒一掃萬里江南秋  
此圖九鷺真奇絕散立清烟乍明滅日長坐久看轉親飄來點點青天雪  
翱翔霄漢殊不驚欲下未下渾有情潛蹤獨赴水邊食延頸忽向蘆中鳴  
吁嗟林生精藝有如此座客見之誰不喜洞庭湘渚在眼前瞋色慘澹涼  
颼起方今聖主覃恩波四海山澤無虞羅悠悠群鷺各自適雖有鷹鷂奈

爾何

許侍郎彬

彬字道中寧陽人永樂十三年進士天順元年正月以禮部侍郎直內閣七月改南京禮部侍郎謚襄敏

清明節同高苗二學士扈駕謁山陵次韻

寶蘇留行殿肩輿到上方明樓通御氣神道仰重光柳拂千條翠花熏百和香回鑒天已曙鼓吹入雲長

送李佑之赴陝西叅議

十載含香侍上台旬宣分陝用奇才黃河九曲天邊落華岳三峰馬上來長樂月明笳鼓靜終南雲歛障屏開行行喜近重陽節黃菊飄香入酒杯

魏尚書驥

驥字仲房蕭山人永樂三年鄉舉起家松江訓導累官南京禮部尚書致仕卒年九十八謚文靖鄭曉云公性好吟詠矢口適情不求雕飾自有雋味

題趙松雪小像

天潢玉樹溥華滋水晶宮小春遲遲  
瀝波桂棹浮輕漪桃笙豹枕羅香幃  
蜀琴啼鳳彈吳絲翠華渺渺羶塵飛  
銅仙汨泣風淒淒瑤階土蝕秋重悲  
蟬衫寶璫雙螭蟠玉堂歸老江南時

劉閣學定之

定之字主靜末新人正統元年進士第一廷試第三入翰林成化二年以太常少卿兼侍讀學士直內閣進侍郎五年卒于位謚文安李西涯曰劉文安不喜爲詩縱其學力往往有出語奇崛用事精當者如英廟輓歌及石鍾山歌等篇皆可傳誦安磐曰劉呆齋以淵博之學英敏之才發爲文章名益一時獨于韻語若未解然者與其文若出二手丘瓊臺亦然

裕陵挽詞

睿皇厭代返仙宮武烈文謨有祖風享國卅年高帝並臨朝入閔太宗同天傾玉蓋旋從北日昇金輪却復中賜第初元臣老朽負恩未報泣遺弓

五臺行

詠果唐晉漢周

繁臺

危千山頭雀東死午溝蛇化爲龍起禪代不待九錫來二晉醉投雙陸子



出警入蹕東西京猶上繁臺自閱兵羣姬塵聚那能辯諸侯曆至誰能爭  
天道好還信豈偶夜環殿柱仍三走祿山仰空若指屠瞿讓仆地如牛吼

愁臺

莊宗戰敗登愁臺酒酣四顧悲風來野人獻雉味徒美壯士騎馬顏如灰  
可憐昔日英雄才夾河蹀血馳風雷勝兵百萬使臂指伶官數十爲禍胎  
蕭蕭落葉墓門棘獨眼龍眠墓中泣生兒但作聞雞豪琵琶火消燭燄赤  
沙臺

亨廬拜受白貂裘身披入洛垂藻旒甘呼高鼻胡作父豈料大日兒爲讎  
兒無遠略浪戰爾紗帽迎降泪如洗總將血屬入虜塵但屬骨灰隨漢鬼  
建州耕穫風霜寒猶想沙臺射鹿還殿前金刀割兔肉門外離戈來可汗  
北臺

白睛黑面沙陀劉乘時虎視吞九州龍牀繼拱兩父子鳳曆才逾四春秋  
湘陰登樓求死所大原建廟依皇祖韓王陣敗憤世讐獨跨黃驄泣山雨  
歸來撫劍自悲歌無兒送老如愁何薛甥繼了何甥繼却向北臺降宋帝

銅臺

銅臺建節亦已好猶愛金門乘羽葆盡捐骨肉換尊榮花項皮枯雀兒老  
瓦棺紙衾瘞姑公黃旗紫蓋從榮宗共誇英主開中夏脩見寡母遷西官  
當時只有范丞相慣識征誅與揖讓九鳥迭落須臾間又扶紅日一輪上  
張汀州寧

寧字靜之海寧人景泰五年進士授禮部給事中成化中奉使朝鮮陪臣  
朴元亨爲館伴從游太平館靜之賦百韵朴隨手和之殊不相下靜之得  
溪流殘白春前雪柳折新黃夜半風之句朴乃閣筆曰不能屬和矣在省  
垣與葉盛林聰齊名大臣忌之出爲汀州知府與岳正同日拜命致仕家  
居凡三十年無子有二妾曰寒香晚翠剪髮自誓不下樓者四十年詔旌  
爲雙節靜之題士女畫落句云陽春宛宛白日暮空抱花枝歸洞房人以  
爲詩識

### 襄陽樂

襄陽女兒夜行遊牽衣把袂大堤頭歌聲未歇笑聲起唱處無情聞處愁  
珠璫玉佩搖春綠北渚南湖相間屬至今荆楚宦遊人猶唱襄陽大堤曲

### 士女圖

吳城士女越樣粧籠冠盤髻銷金裳東風淡蕩桃李月看花不語情何長  
女伴相將牽穉子庭院無人花正芳陽春宛宛白日暮空抱花枝歸洞房

題姚公綬山水

幽意寫不盡萬山深更深白雲無出處綠樹漫成林啼鳥醒人夢流泉淨  
客心何當隨釣艇看奕草堂陰

重遊金粟寺有作

溪深通小艇山峻露層臺林葉經霜盡河水近午開雲僧出定舊雨客  
重來擾擾浮生路經過知幾迴

感事二首

羽書昨夜報居庸百萬雄師下九重天子垂衣臨大漠羣臣端笏扈元戎  
禁中已乏回天諫閭外誰成闢地功千古澶淵扶日轂令人長憶寇萊公  
寶馬朱輪接上游時危誰解奉天憂鼎湖龍去英雄盡劒閣雲深日月愁  
玉輦已隨胡地草青山依舊漢宮秋元勳野死潼關破誤國何人更首丘

送史明古過訪還吳江

一燈新火映隣扉話盡殘更未解衣元亮老嗟蕪業改無功生怯醉鄉非

天孤遠雁和雲斷風急春潮帶雨飛颺爾相逢便相別祇應清夢送君歸

題伍公炬桂林別意冊後

五嶺行雲七澤風東將入海泛鴻濛生還却笑征南老往事空驚塞上翁  
萬里歸心孤磧雁廿年春夢五更鍾曲江院裏看花伴物色于今盡不同

莫愁樂

金雀玉搔頭生來喚莫愁自從懽去後不出仁城遊

列朝詩集

乙集第四終